



新刊監本冊府元龜卷之七百七十五

總錄部

幻敏第三

後魏賈彞字彥倫父為府堅鉅鹿大守生訕謗繫彞年十歲詣長安
訟父獲申遠近嘆之僉曰此子英俊賈誼之後莫之與京後太祖即
位拜尚書左丞加給事

崔玄伯少有俊才号曰冀州神童符融牧冀州虛心禮敬拜陽平公
侍郎領冀州從事後位至天部大夫進爵為公

李承字伯業寶之子也少有字略大武時寶欲謀歸款民僚多不異
議承時年十三勸寶速定大計於是遂決仍令承隨表入質天武深
相器異礼遇甚優賜爵姑臧候

陸琇字伯琳猷第五子猷有以爵傳琇之意琇年九歲猷謂之曰汝祖東平王有十二子我為適長承襲家業今已年老屬汝幼冲詎堪為陸氏宗首乎琇對曰苟非闔力何患童稚猷奇之遂立琇為此子常績荊州刺史弥之子年十三補中書學生聰敏明辨為博士七年彪所稱除秘書中散

裴安祖少而聰慧年八九歲就師講詩至鹿鳴篇語諸兄云鹿惟食肉獸得食相呼而况人也自此之後未曾獨食

裴駿字神駒幼而聰慧親表異之稱為神駒因以為字位至口書侍郎胡叟字倫許少聰慧年十三辯疑釋理知名鄉國其意之所悟與成人交論少有屈焉叟以姚氏將衰遂入長安觀風化隱匿名行悞人見知時京兆常祖思少閱典墳多蔑時彥知叟至召而見之祖思習

常待叟不足聊與溫良叟拂衣而出祖思固留之曰當與君論天人之際何遽而反乎叟對曰論天人者其亡久矣與君相知何夸言若是也遂不坐而去至主人家賦堯杜一族一宿而成時年十有八矣具述前載無違旧美叙中世有協時事而未及鄙瀆人皆奇其才畏其筆世猶傳誦之以為笑狎叟後拜武威將軍賜爵始復男卒

李志字鴻道博學有才幹年十餘歲便能文彪甚奇之

李安世大尉祥之子幼而聰悟與安二年文成引見侍郎博士之子簡其秀雋者欲為中書學生安世年一十帝見其尚小引問之安世陳說父祖甚有次第即以為生帝每幸國學常獨被引問詔曰汝但守此至大不慮不富貴

祖瑩范陽人八歲能誦書十二為中書學生內外親屬呼為聖小兒

後歷祕書監遷車騎將軍

李琰之字景珍司空韶之族弟早有盛名時人号曰神童位至兼侍中車騎大將軍左光祿大夫

表翻字聿脩九歲州辟主簿性深沉有鑒識清靖寡欲與物無競媿夫尚書崔休深知所賞

李謚涿郡人年十二通孝經論語毛詩尚書歷數之術尤尽其長州閭鄉黨有神童之號後徵拜著作郎辟以授第郁公府二辟皆不就及卒命謚曰貞靜處士表其門曰文德里曰孝義北齊刑劬十歲便能屬文雅有才思聰明強記日誦萬余言族兄鸞有文鑒謂子弟曰宗室中有此兒非當人後為大常鄉中書監攝國子祭酒復授特進卒

杜弼幼聰敏家貧無書年十二寄郡學受業教授之際師每奇之位至膠州刺史

王紘性機敏應對辯捷年十三且楊州刺史大原郭元貞元貞撫其背曰汝讀何書對曰誦孝經孝經云何曰在上不驕為下不亂元貞曰吾作刺史豈其驕乎紘曰公雖不驕君子防未萌亦願留意元貞稱善年十五隨父在北豫州行臺侯景與人論掩衣法為當右尚書曰敬显儁曰孔子云微管仲吾其被髮左衽矣以此言之右衽為是紘進曰國家龍飛朝野推步中原五帝異議三王殊制掩衣左右不足是非景奇其早慧賜以名馬後官至散騎常侍兼侍中

李繪字敬年六歲便自願入學家人以偶年俗忌約而弗許遂伺其伯姊筆蹟之閑而輒竊用未幾遂通急就章内外異之以為非常兒

也天保初為司徒右長史卒

徐之才幼而儁夙五歲誦孝經八歲通義旨曾與從兄康造梁太子詹事汝南周捨宅聽老子捨為設食乃戲之曰徐郎不用心思義而但事食乎之才荅曰蓋聞聖人虛其心而實其腹捨嗟賞之年十三召為大學生粗通易理彭城刘孝綽河東裴子吳郡張暉等每共論周昉及喪服儀酬荅應之如響咸共歎曰此神童也位至僕射卒楊愔字遵彥小名秦王引農華陰人父津魏時累為司空侍中愔元童時口若不能言而風度深敏出入門閭未嘗戲弄六歲學史書十一受易好左氏春秋幼喪母曾詣舅子恭子恭與之飲問讀何書曰誦詩子恭曰誦至謂陽未邪愔便号泣感噎子恭亦對之戲歎遂謂之罷酒子恭後謂津曰常謂秦王不期察慧從今已後更欲刮目

視之愔一門四世同居家甚隆盛昆季就學者三十余人學庭前有李樹實落地君兒咸爭之愔頽然坐其季父晞適入學館見之因大嗟異顧謂賓客曰此兒恬淡有我風宅內有茂竹遂為愔於林邊別葺一室命獨處其中常銅盤具盛饌以飲之因以督屬諸子曰汝輩但如遵彥謹慎自得竹林別室銅盤重肉之食愔從父兄黃門侍郎豈特相器重曾謂人曰此兒駒齒未落已是我家龍文更十歲後當求之千里外後拜尚書令又拜特進驃騎大將軍

李稚廉趙高邑人齊州刺史義深之弟少而寡欲為兒童時初不從家人有所求請嘗故以金寶授之終不取強付輒擲之於地州牧以其蒙稚而廉故名曰稚廉聰敏好學年十五頗尋覽五經章句嘗為青州刺史未幾徵為并省都官尚書卒

孫靈暉長樂武強人魏大儒祕書監惠蔚靈暉之族曾王父也靈暉少明敏有器度惠蔚一子早卒其家書籍多在焉靈暉年七歲便好學日誦數千言惟尋討惠蔚手錄章疏不求師友三禮及三傳並通宗旨然始就鮑季詳慙安生質問疑滯其所發明慙鮑無以異也後為大將軍司馬

蘇瓊字珍之幼時隨父在邊嘗謁東荊州刺史曹芝芝戲問曰卿欲官否對曰設官求人非人求官芝異其對署為府長流參軍後為將陵大守

和士開幼而聰慧選為國子祭生解台捷疾為同業所尚武平元年封淮王除尚書令錄尚書事

後周檀翥字鳳祥高平金鄉人六世祖毓晉步兵校尉父江始還北任至大常少鄉翥十歲喪父還京師宅與營人雜居幼孤寒不與鄰人來往好讀書解屬文能鼓琴早為琅邪王誦所知宗慄少聰敏好學讀書晝夜不倦語輒引古事鄉里呼為小兒學士俊拜車騎大將軍卒

常璘字世珍聰敏有夙成之量閭里咸敬異之後位至侍中驃騎八將軍

柳慶年十三時父僧習為潁川郡地接都畿民多豪右將選鄉官百依倚貴勢競來請託選用未定僧習謂諸子曰權貴請託吾并不用其使欲還皆須有谷汝等各以意為吾作書也慶乃具草書云一官受委大邪選吏之日有能者進不肖者退此乃朝廷常典僧習讀書歎曰此見有意氣丈夫理當如是即依慶所草以報後為宜州刺史

入為司會卒

李旭頌立臨黃人小名那祖彪名重魏朝為御史中尉父游亦有才行為當世所稱游兄志為荊州刺史游從至州屬尔朱之乱與志俱奔江左旭性峻急不雜交游幼年已解屬文有声洛下時洛陽尉置明堂旭年十數歲為明堂賦雖優洽未足才制可觀者咸曰有家風矣

長孫澄字士亮魏太師稚之子年十歲司徒李琰之見而奇之遂以女妻焉十四從征討有策謀勇冠諸將後拜大將軍封義門公為玉壁摠管卒

李賢字賢和九歲從師受業略觀大旨而已不尋章句或謂之曰李不精勤不如不學賢曰夫人各有志賢豈能強奉待問領徒授業耶

惟當粗聞教義補已不足至如忠孝之道實銘之於心聞者慚服位至大將軍

賢子崇字永隆以父賢勲封迴洛縣侯時年小拜爵時親族相賀崇獨泣下賢問之對曰無勲於國幼少封侯當報主恩不得終於孝養是以悲耳賢由此大奇之位至大府中大夫

解斯微字士亮大傳尚書令椿之子幼聰穎五歲誦孝經周易識者異之及長涉群書尤精三礼後為太子大保

柳霞幼而爽邁神采巖然髫歲便有成人之量篤好文孝動各規矩其世父慶遠特器異之後為驃騎大將軍盧州刺史卒刘祥幼而聰慧占對俊辯賓客見者号為神童十歲能屬文十二通五經

顏之儀幼穎悟三歲能讀孝經位至集州刺史

蕭大園幼而聰敏神情俊悟年四歲能通三都賦及孝經論語七歲居母便有成人之性後為內史侍郎西河郡守卒

蕭禰字智遐梁武帝弟安成王秀之子也性溫裕有儀表年十二入國李博觀經史雅好屬文在梁封永豐縣侯

沈重字德原吳興武康人性聰悟有異常童七歲而孤居喪合禮位至散騎常侍大常鄉

張元字孝始年六歲祖父成以夏中熱欲將元就井浴元對曰依首從謂其貪戲乃以杖擊其頭曰汝何為不肯洗浴元對曰衣以蓋刑為覆其褻不能露其体於白日之下且異而捨之南鄰有二杏樹杏熟多落元園中有諸小兒競取而食之元所得者送還其主

鄭譚年十余歲嘗詣相府司錄李長宗有衆中戲之譚容謂長宗曰明公位望不輕瞻仰斯屬輒相翫無乃喪德長宗甚異之隋王迹字長述後周驃騎大將軍罷之孫少聰敏有誠度年八歲周太祖見而奇之曰王公有此孫足為不朽後位至大軍復授行軍總管

于仲文後周大左輒寔之子九歲嘗於云陽宮見周太祖問曰聞見好讀書有何事仲文對曰資父事君忠孝而已太祖甚嗟嘆之後為右翊衛大將軍進位光祿大夫卒

裴政字德表幼敏博聞強記達於時政為當世所稱年十五辟郡度王府法曹參軍事終於襄州總管

于宣敏字仲達少沉密有才思年十一詣周趙王命之賦詩宣敏為詩甚有幽貞之志王大奇之坐客莫不嗟賞位至奉車都尉史萬歲京兆杜陵人父靜周滄州刺史萬歲少英武善騎射驍捷若飛好讀

兵書兼精占候年十五值周齊戰於邙山萬歲時從父入軍旗鼓相望萬歲令左右趣治裝急去而周師大敗其父自是奇之後為河州刺史行軍總管

蕪夔八歲誦詩兼解騎射年十三從父威至尚書省與安德王雄馳射賭得駿馬而歸十四詣學與諸儒儀論詞致可觀見者皆稱善位至通議大夫

李德林幼聰敏年數歲誦左思蜀都賦十余日便畢高隆之見而嘆嘆遍告朝士云若假其年必為天下偉器鄴京人士多就宅觀之余日中車馬不絕年十五誦五經及古八文集日數千言後終於懷州刺史

宇文忻字仲樂幼而敏惠為童兒時與群輩戲輒為步伍進止行列無不用命者位至右領軍大將軍

常師字公隸少沉謹有至性初就孝始讀孝經捨書而歎曰名教之極其在茲乎終於汴州刺史

楊异字文殊美風儀沉深有器局齟齬就孝日誦千言見者奇之後為刑部尚書除吳州總管卒

柳肅少聰敏閑於占對起家周齊王文孝武帝見而異之召拜宣納上士位至工部侍郎常世康幼而沉敏有器度年十歲州辟主簿後拜荊州總管卒

刘顯字嗣芳幼而聰敏當世号曰神童

卒德源字孝基沉靜好學年十四解屬文及長博覽書記後為諮議參軍

陸爽字開明少聰敏年九歲就學日誦二千余言齊尚書僕射楊遵
彥見而異之陸氏代有人焉官至太子洗馬

胡克讓年十四釋褐梁湘東王法曹參軍時舍人朱异在儀賢堂講
老子克讓與焉堂邊有脩竹异令克讓詠之克覽筆輒成其卒章曰
非君多愛賞誰貴此貞心异甚奇之後為通直散騎侍常卒

游元字楚客少聰敏年十六齊司徒徐顯秀以為參軍事後位至請
大夫兼侍御史

何妥字棲鳳西域人小機警八歲游國子學助教顧良戲之曰汝既
姓何是荷葉之荷為是河水之河應戶答曰先生姓顧是眷顧之顧
是新故之故衆咸異之終於國子祭酒

庾質字行脩少而明敏早有志尚八歲誦梁世祖玄覽言志等十賦
拜童子師位至太史

袁克少警悟年十余歲其父黨至門時冬初克尚衣葛衫客戲克曰
袁郎子締兮綌兮淒其以風克應言曰惟締與綌服之無數以是
大見嗟賞後位至祕書令

盧太翼字協昭河間人本姓章仇氏七歲詣學誦數千言州里号曰
神童及長閑居味道不求榮利卒於雒陽

庾秀才幼肆悟八歲誦尚書十二通周易好占玄象後為通直散騎
常侍

崔頤字祖濬七歲能屬文容白短小有口才開皇初秦孝皇薦之付
策高第後為越王長史

薛道衡字玄卿河東汾陰人祖聰魏齊州刺史父孝通常山太守道

衡六歲而孤專精好孝年十三講左氏傳見子產相鄭之功作國僑替頗有詞致見者奇之後才名益著位至司隸大夫許善心字務本九歲而孤為母范氏所鞠養幼聰明有思理所聞輒能誦記多問默識為當世所稱家有旧書萬余卷皆遍通涉十五解屬文牋上文友徐陵大奇之謂人曰調極高此神童也後為給事中薛世雄為兒童時與群輩游戲輒畫地為城郭合諸兒為攻守之勢有不從令者世雄輒撻之諸兒畏憚莫不齊整其父見而奇之謂人曰此兒當與吾家矣位至左禦衛大將軍

房彥謙字孝冲早孤不識父為母兄之所鞠長兄詢雅有清鑒以彥謙天性穎悟每奇之親教讀書年七歲誦數萬言為宗黨所異終於涇陽令

郎茂少敏慧七歲誦騷雅日千余言後為尚書左丞

鮑宏字閔身父機仕梁為治書侍御史宏七歲而孤為兄泉之所愛育年十二能屬文嘗相湘東王繹詩繹嗟賞不已引為中記室位至均州刺史

唐陳叔達初在陳年十余歲常侍晏賦十韻援筆便就僕射徐陵甚奇之貞觀中位至禮部尚書

蘇世長父振仕周為宕州刺史武帝時世長十余歲上書言事帝以其年小召問讀何書對曰讀孝經論語武帝曰孝經論語何所言對曰孝經云治國者不敢侮於鰥寡論語曰為政以德帝善其對令於獸門館讀書武帝中為天策府軍諮秦府開引為學士

高士廉幼而精爽絕倫占對敏慧位至開府儀同三司

李百藥字重規博陵安平人父德林士隋內史令百藥幼而聰敏年數歲德林以燈下教以四声一聞便解七歲頗能屬文齊中書舍人陸又嘗過德林晏齊有誦徐陵文者云將刈琅邪之稻坐客並不識其事百藥進曰傳稱邠人籍稻杜預注云邠國左琅邪開陽縣又等驚喜云此兒神童也官至宗正卿

百藥子安期幼聰辯七歲解屬文終於荊州大都督府長史

孔穎達年八歲就學日讀千余言至暮更誦未嘗嬉戲有異兒童三禮又宗既能闇記官至國子祭酒

房玄齡幼而聰敏五歲能誦毛詩及子志學尤上草隸博覽墳史位至司空

呂方毅才之子七歲能誦周易毛詩太宗聞其幼敏召見甚奇之賜

以繅帛

王勃字子安太常博士福疇子也六歲善屬文與兄勔勳俱稱少俊父有杜易簡常稱曰此王氏三株樹也

楊照幼聰敏博學善屬文童時奉拜校書郎為崇文館學士孫思邈京兆華原人也七歲就學日誦千余言顯慶中高宗召拜諫議大夫不受

狄仁傑字懷英為兒童時門人有被害者縣吏就誥之衆皆接對惟仁傑堅坐讀書吏責之仁傑曰黃卷之中聖賢備在尤不能接對何暇偶俗吏而見責耶位至內史

元萬頃河南人德州摠管白澤之孫也幼解屬文起家為通事舍人孫述幼而英俊文思敏速始年十五謁雍州長史崔日用日用小之

令為土火爐賦握翰即成辭理俱贍日用覽之駭然遂為忘年之交
以是價譽益重開元初憲哲人奇士舉

常陟字殷卿尚書左僕射安石之子少聰穎 異常童自幼風操整
峻獨立不群安石尤愛之位至吏部尚書東京留守

蘇震京兆武功人少以門蔭補千牛聰敏好學博涉經史年未志季
有老成人風伯項異之常謂所親曰吾家有子矣

嚴武中書侍郎挺之之子神氣俊爽敏於聞見幼有成人之風讀書
不究精義涉獵而已弱冠以門蔭名隴右節度使奇舒翰奏充判官
後為成都戶改檢校吏部尚書封鄭國公

楊館生而聰慧年四歲處群從之中敏識過人嘗夜宴親賓客奉座
中物以四声呼之諸賓未言館声指鐵燈樹曰燈盞柄與眾咸異之

位至中書侍郎同中書門下平章事

刘晏字士安曹州南華人年七歲舉神童授祕書省正字終於忠州
刺史

高郢字公楚其先渤海裔人九歲通春秋能屬文郢子定幼聰隋乞
伏慧封西河公為潭桂二州總管曾見人以鑿捕魚者出絹買而放
之其仁心如此百姓美之號其處曰西河公鑿公孫景茂為息州刺
史法令清靜德化大行時屬平陳之役征人在路有疫者景茂撤減
俸祿為饘粥湯藥分賑濟之賴以全活者以千數開嘉之詔宣告天
下後為道州刺史悉以秩俸買牛犢雞猪散惠孤弱不能自存者

郭衍為瀛州刺史遇秋霖大水其屬縣多漂沒民皆上高樹依大塚
衍親備船楫并齎糧拯救之民多獲濟衍先開倉賑恤後始聞奏高

祖大善之

辛公義開皇中為峽州刺史士裕畏病若一人有疾即合家避之公義迎置廳事與之醫療後人有遇病者爭就使居其家親屬因留養之始相慈愛此風遂革闔境之內呼為慈母

張頊陟為濟郡丞會與遼東之役百姓散失又屬歲飢穀未湧貴頊陟開倉賑給官屬咸曰待詔勅不可擅與頊陟曰今帝在遠遣使往來必淹歲序百姓有倒懸之急如待報至當委溝壑矣吾若以此獲罪死無所恨先開倉而後上狀煬帝知之而不責也

唐王方翼為肅州刺史屬蝗儉諸州貧人死於道路而肅州全活者甚衆州人為立碑頌

李裕天室中為義陽郡守上言所部遭損戶一萬八百三戶請給兩月糧充種子許之

嗣曹王暉肅宗時為温州長史攝行州事時歲儉暉擧倉賑州人而上聞詔書嘉之

竇思仁為華州刺史奏之絕戶請以永豐倉米賑給之

張延賞大曆中鎮揚州屬歲旱歎人有云去他境者吏或拘之延賞曰夫食人之所恃而生也此居而坐斃適彼而生得存吾人又何恨於彼也具舟楫而進遣之俾吏脩其廬室已而通債而歸者增於其舊

蕭復建中初為同州刺史時州人阻飢有京畿觀察使儲廩在境內復輒以調貧人為有所劾詔下削階受伐親友唁之復恬然曰苟利於人敢憚薄責

馬遂為懷州刺史乘兵亂後其夏大旱人失耕種燧乃務化將吏有
父母者燧輒造之施敬收瘞暴骨
于頓元中為湖州刺史境土褊狹其送終者往往不掩其棺摺頓收
葬朽骨凡千餘所

袁滋貞元未為華州刺史以寬易清簡為政百姓有至自他境者皆
給地以居名其居曰義合里人甚愛之專以慈惠為本有過犯者皆
縱而不理擒盜輒捨或以物賞之
陽城貞元未為道州刺史土地產民多矮羊常配鄉戶貢其男號為
矮奴城不平其以良為賤又憫其編氓歲有雜異之苦乃抗疏論免
之自是停貢民皆賴之無不泣荷

韓愈元和末為袁州刺史州以男女隸於人者愈悉計庸直而償

出之

高丞簡為邢州刺史觀察使責時賦急丞簡代數百戶出其租羅讓
為福建觀察使甚著仁惠有以奴遺讓者讓訪其所自曰本某寺家
人兄弟九人皆為官所鬻其留者唯老母爾讓慘然焚其冊書以歸
其母

崔俊為湖南都團練觀察使湖南舊法豐年債易不出境隣部災荒
不相恤俊至謂屬吏曰此非人情也無宜閑重困於民也自是商貨
通流

令孤楚為天平軍節度等使屬連歲旱儉人互相食樂其惠化而無
流亡者

歲為文家人奇之弱冠本府署為參軍其父嘗謂宗人李璘曰大醜

生處奇形氣異前途應不居徒勞之地賴吾兄誨激之大醜即崧之
小字也後至宰相

周彼台符字光信深州武強人幼善屬文唐同光中擢進士第釋褐
為鎮定從事位至翰林學士

和凝幼而聰敏姿狀秀拔神彩射人少李書一覽者咸達其大義後
至相位

王朴幼警惠好學善屬文位至樞密使

新刊監本冊府元龜卷之七百七十五

新刊監本冊府元龜卷之七百七十六

總錄部 二十六

名望

夫人為萬物之靈稟五行之秀而不能馳聲於當年揚名於沒世者
奚足謂之賢哉故有德美淵塞英華赫越扶義倜儻懷才超拔志節
抗邁公廡絕裕經術深厚風裁詳雅由茲而稱於儕伍聞於州里著
於官次顯於朝廷布於天下流於絕域者蓋有之焉其或同時接武
齊名並駕為游談之矜式聳士類之慕向傳所謂死而不朽者皆是
之謂歟

子產鄭人簡公二十三年諸公子爭寵相殺又欲殺子產公子或諫
曰子產仁人鄭所以存者子產也勿殺乃止

澹臺滅明事孔子既以受業南游至江從弟子三百人設取予去就名施乎諸侯

晏平仲嬰者萊之夷維人也事齊靈公景公三世顯名於諸侯越范蠡三徒成名於天下非苟而去已所止必成名卒老死于陶故世傳曰陶朱公

吳起衛人魏武侯封起為西河守甚有聲名其茂下蔡人起下蔡閭閻顯名諸侯

漢張耳陳餘皆大梁人張耳少時為魏公子無忌客與陳兩人魏之名士也陳涉起蕞至陳張耳陳餘上謁涉上謁若今之通名

涉及左右生平數聞耳餘賢未嘗見見即大喜

陸賈勸陳平交驩大尉周勃以此游漢廷公卿聞廷謂朝廷名聲籍甚言

籍甚 孝文即位為太中大夫

季布楚人也布弟季心聞閔中常殺人亡吳從爰絲匿長事爰絲

言以兄長之禮事也 弟畜灌夫藉福之屬嘗為中司馬中尉中尉司馬 中尉郵都不敢加少年

多時竊借其名以行詐自稱為心之賓客徒當也 當是時季心以勇聞布以諾聞閔中後

為何東守

韓安國為人大略知足當世取舍舍也也取舍言可取則取可舍則舍 而出於忠厚貪財利

然所推奉皆廉士賢於已者於廉舉壺遂滅國至它皆天下名士於梁

人至於他余所奉亦皆名士也 士亦以此稱慕之惟天子以為國器官至御史大夫

鄭當時字莊陳人也脫張羽於阬梁孝王將楚祖之弟也 聲聞梁楚間後為大司農未

嘗名吏與官屬言若恐傷之間人之善言進之士惟恐後山東諸公

以此翕然稱鄭莊

鄒陽齊人與吳嚴忌枝乘等俱仕吳皆以文辯著名為梁上客而卒
灌夫字仲孺潁陰人吳楚反時夫父孟為校尉戰死夫不肯隨喪歸
奮曰願取吳王若將軍頭以報父仇於是乃從奴十餘騎入吳軍至
戲下亡其奴獨與一騎歸夫身中大創十餘適有萬金良藥故得無
死創少瘳又請復往將軍壯而義之恐亡夫乃言大尉大尉周勃也大尉固
止之吳軍破夫以此名聞天下後至燕相漢李陵少為侍中建章監
善騎射愛人謙讓下士甚得名譽楊惲司馬遷外孫也以材能好文
英俊諸儒名顯朝廷官至光祿勳
戶翁歸為政雖任刑其在公卿之間清潔自守語不及私然溫良謙
退不以行能驕人甚得名譽於朝廷為右扶風病卒
辛慶忌遷校尉將吏士焉耆國還為謁者尚未知名元帝初補金城

長史舉茂材遷郎中車騎將軍朝廷多重之者

輔為校尉遷張掖太守徙酒泉所在著名

雋不疑治春秋為郎文學進退以礼名聞州郡官至京兆尹

趙廣漢為潁川太守威名流聞匈奴降者言匈奴中皆聞廣漢名

邴曼容漢兄子也亦養志自脩其名過出於漢官至六百石輒免去

樓護字君卿為京兆史甚得名譽護為人知小精辯論議常依名節

與谷永俱為五侯上客長安號曰谷子云之筆札樓君卿之唇舌護

官至天水太守永至大司農

杜欽字子夏少好經書家富而目偏盲故不好吏茂陵杜鄴與欽同
姓字俱以材能稱京師故衣冠謂欽為育杜子夏以相別欽患以疾
見詆迺為小冠高廣才二寸才與絕同由是京師更謂欽為小冠杜子夏而

鄴為大冠杜子夏欽不仕鄴官至涼州刺史

龔勝字居賓龔舍字居情皆楚人也兩人相友並著名鄴故世謂之楚兩龔勝官至光祿大夫舍亦至光祿大夫稱病不起

楊雄少時從嚴君平將巨而仕京師顯名除為郎給事黃門

紀遠王思琅邠人薛方子容齊人郟越臣仲郟相稚賓大原人唐林

子高唐尊伯高沛郡人皆成帝至王莽時清名之士也皆以明經飾

行顯名於世飾謹也

陳遵字孟公少與張竦相親友哀帝之末俱著名字為後進冠為後進人之冠者也

所到衣冠懷之惟恐在後時列侯有與遵同姓字者每至入門曰陳

孟公坐中莫不震動既至而非因號其人曰陳驚坐遵官至河內都

尉

後漢張湛自太子太傅退居中東門侯舍故時人號曰東門君承宮

為左中郎將名播匈奴時北單于遣使求得見宮明帝勅曰整飾宮

對曰夷狄眩名非識實者也臣狀醜不可以示遠宜選有威容者帝

乃以大鴻臚魏應代

祭彤子孫多為邊吏者皆有名稱

崔駰少游大學與班固傳毅同時齊名官至長岑長

馮豹好儒學以詩春秋教麗山鄉里為之語曰道德彬彬馮仲文位

至尚書

卓茂與同縣孔休陳留蔡勲安衆劉宣楚國龔勝上黨鮑宣六人同

志不仕王莽時並名重當時光武即位以為大傳

王扶為議郎有節行煇邑侯劉復著漢德頌盛稱扶為名臣第五種

字與先少屬志義為吏冠名州郡官至涪州刺史

李咸字元貞汝南人累經州郡以廉幹知名在朝清忠權倖憚之

鄧彪字智伯與同郡宗武伯翟敬伯陳緩伯張弟伯同志好齊名南

陽號曰五伯彪位至太傅錄尚書事

栢彬字彥林少與蔡邕齊名奉孝廉拜尚書郎

召馴傲儻不拘小節以志義聞鄉里號之曰德行恂恂召伯春仕至
光祿勳

糿望操節白有稱鄉閭仕至左中郎將

周澤字稚都孫堪字子稚堪行類於澤故京師號曰二稚澤位至大
常堪至侍中騎都尉

韓融少能辯理而不為章句李膺名甚盛五府並辟位至大僕

荀爽字慈明耽思經史慶吊不行徵命不應穎川為之語曰荀氏八

龍慈明無雙後遭黨錮隱於海上又南道漢濱積十餘年以著述為
事遂稱為碩儒位至司空

袁閔字奉高數辭公府之命不脩異操而致名當時

金元休名尚京兆人與同郡常休甫第五文休俱著名號為三休尚
獻帝初為兗州刺史東之郡而魏太祖已臨兗州尚依袁術術僭號
欲以尚為大尉不敢顯言私使諷之術亦不敢強也建安初尚逃還
為術所害

黃香博學經典究精道術能文章京師號曰天下無雙江夏黃童官
至魏郡太守

矯慎隱遁山谷與馬融蘇章鄉里並時融以才博顯名章以廉直為

稱然皆推先慎

賈彪少游京師志節慷慨與同郡荀爽齊名後至新息長

董扶少游大李與鄉人任安齊名仕至蜀郡屬國都尉

侯瑾常以礼自收徵召不到覃思著述西河人敬其才而不敢名之

皆稱為侯君公車徵不至

蘇純字栢公有高性強切而特毀譽士友咸憚之至乃相謂曰見蘇

栢公患其教責人不見又思之三輔號為大人

大人長者之稱也尊言者也

仕至南陽太

守

何顯少游學顯陽顯雖後進而郭林宗賈偉節等與之相好顯名大

李後辟司空府

郭恭字林宗大原介休人也不應辟召栢帝時大學諸生三萬余人

郭林宗賈偉節為其冠與李膺陳蕃王暢更相褒重學中諸生曰天

下模楷李元礼不畏強禦陳仲舉天下秀俊王叔茂海内希其風流

遂共標榜曰天下名士為之稱號上曰三君次曰八俊次曰八顧次

曰八及次曰八厨猶古之八元八愷也竇武刘叔陳蕃為三君居者

言一世之所宗也李膺荀爽杜密王暢刘祐魏郎趙典朱寓為人俊

俊者言人之英也郭林宗宗慈巴肅夏馥范滂尸勲蔡術羊陟為八

顧顧者言能以德行引人者也張儉岑昞刘表陳祥孔昱范康擅敷

翟超為八及及者言其能導人追宗者也度尚張邈王考刘儒胡毋

班秦周蕃向王章為八厨厨者言能以財救人者也

刘表字景升山陽人少知名號八俊仕至荊州牧

張璠漢紀曰表與同郡人張德薛郁王訪宣靖公褚恭刘祗田林為八文

或謂之八顧漢末名士錄云表與汝南陳翔字仲鹿名范滂字孟博魯国孔昱字世元疑海范康字仲貞山陽擅敷字文友張儉字元貞南陽岑昞字公孝為八文胡毋班字季度大人少與山陽度尚東平張坦等八人並輕財赴義振濟人士世謂之

李膺為司隸校尉是時朝廷日亂紀綱頽弛膺獨持風裁以聲名自高士其容者名為登龍門

鍾瑾李膺姑子好學慕名有退讓風與膺同年俱有聲名辟州府未嘗屈志

杜密轉大僕黨事既起免歸本郡與李膺俱坐而名行相次故時人亦稱李杜焉

前有李固杜喬故言亦也

竇武少以經行著稱常教授於大澤中不交時事名顯閩西後至大將軍

鍾浩潁川長社人時郡中先輩為海內所歸者蒼梧太守定陵陳稚叔黎陽令潁陰荀淑及浩少府李膺常宗此三人曰荀君清識難尚

陳鍾至德可師淑至郎陵侯相棄官歸皓累徵不就陳寔與子

紀高名並著而紀弟諶又配之世號曰三君每宰府辟命率皆

同時羔鴈成郡丞掾交至豫州百姓皆圖畫寔紀諶之形象寔

至大丘長紀至大鴻臚

諶史不載官

段紀明武威姑臧人與皇甫威明張熙明並知名顯達京師稱為涼州三名公

任安定祖少游太學受孟氏易無通數經又從同郡楊厚學圖識究極其術時人稱曰欲知仲栢問任安又曰居今行古任定祖

趙壹舉郡上計到京師河南尹羊陟與司徒袁逢共稱薦之名動京師士大夫想望其風采十辟公府不就

王烈通識達道秉義不囿以潁川陳大丘為師二子為友時潁

川荀慈明賈偉節李元礼韓元長皆就陳君學見烈器業過人
歆服所履亦與相親由是英名著於海內

孔融與平原陶丘洪陳雷邊讓並以俊秀為後進冠蓋

融持論經理不及讓等而逸才宏博過之融官至少府太中大夫
洪辟大尉府讓至九江太守

魏李豐字安國故衛尉李義子也文帝時以父任召隨軍始為
白衣時年七十八在鄴下名為清白識別人物海內翕然莫不
注意後隨軍在許昌声称日隆其父不願其然遂令閉門勅使
斷客明帝在東宮豐在文學中及即尊位得能吳降人問江東
聞名士為誰降人云聞有李安國者是時豐為黃門郎明帝問
左右所在左右以豐對帝曰豐名乃被於吳越邪位至中書令

華歆平原人與北海邴原管寧俱游三人相善時人號三人為

一龍歆為龍頭原為龍腹寧為龍尾歆至大尉原至五官將長

史寧至太中大夫固辭不受

張秦鉅鹿人為大鴻臚龐參扶風人為河南尹以清賢稱

荀醇冀州記曰

鉅鹿張迫字郡鹿虎祖父秦字伯陽有名於魏父迫字叔遠遼東太守著名自然好學論在稽
康集為人引深有遠識恢恢然使求之者莫之能測也官歷二官

後為城陽太守未行而卒

邢鄙字子昂太祖辟為冀州從事時人稱之曰德行堂堂邢子

昂位至大常

徐宣字宝堅廣陵海西人避亂江東又辟孫策之命還本郡與
陳矯並無網紀二人齊名而私好不協然俱見畱於太守陳登
位至侍中光祿大夫

鮑勛清白有高節知名於世後至宮正

趙儼潁川陽翟人與同郡辛毗群陳杜襲並知名號曰辛陳杜

趙云毗官至衛尉儼並至司空襲至尚太中大夫

蒲寵字子偉以格度知名官至衛尉

徐逸同郡韓觀曼游有鑒識器幹與逸齊名而在孫李盧毓先
逸位至司潁校尉

王昶字文舒大原晉陽人也少與同郡王浚俱知名浚年長昶
凡事之位至司空

韓暨為太鴻臚暨為人賢韓宣在後為鴻臚亦稱職故鴻臚中
為之語曰太鴻臚小鴻臚前後治行蜀相如

沐並字德信為三府長史時吳使朱然諸葛瑾攻圍樊城遣舡

兵於峴山東斫材詳訶人兵作食有先熟者呼後熟者言共食

來後熟者答言不也呼者曰汝作沐浴德信邪其名流布播於

異域如此雖自華夏不知者以為前世人也

蜀習禎字文祥襄陽人有風流善談論名亞龐統而在馬良之

右子忠亦有名仕至南廣漢太守

蔣琬字公琰零陵湘鄉人弱冠與弟外泉陵劉敏俱知名琬至

太司馬敏至左護軍

費禕字文偉江夏人與汝南許叔龍南郡重允齊名禕位至太

將軍允侍中守尚書令

楊戲字文然犍為武陽人少與巴西程祁公引巴西郡楊次季儒

蜀郡張表伯達並知名戲每推祁以為冠首丞相諸葛亮深器

之仕至射聲校尉

姜維字伯約為大將軍時蜀官皆天下英俊無出維右

吳徐陵字元大為零陵太守朝廷侯以列卿之位故虞翻與書曰元大受上卿之遇叔向在晉未若於今其見重如此

周瑜時年二十四吳中皆呼為周郎後至偏將軍領南郡太守顧劭字孝則博覽書傳好樂人倫少與舅陸績齊名而陸遜張郭朴靜皆亞焉劭仕豫章太守績偏將軍遜至丞相敦至海昏令靜至剡令

步騭字子山太帝為討虜將軍召為主記歲余騭以疾免與琅邪諸葛瑾彭城嚴畷俱游吳中並着聲名為當時英俊位至驃騎將軍領冀州牧

顧譚為太子友時四方之傑畢集太傅諸葛恪以雄奇蓋衆而譚以清識絕倫獨見推重自大尉范慎謝景羊徽之徒皆以秀稱其名悉在譚下位至大常

晉應貞字吉甫善譚論以才學稱夏侯玄有盛名貞詣玄甚重之位至散騎常侍

鄒湛字潤甫以才學知名為征南從事中郎深為羊祜所器重胡威字伯武一名魏淮南壽春人父質以忠清着稱少與鄉人蔣濟朱績俱知名於江淮間官至清州刺史

何曾字穎考陳國陽夏人父夔魏大僕陽武亭侯曾少襲爵好學博聞與同郡袁侃齊名曾位至大宰侍中侃至尚書

歐陽建字堅石世為冀方右族雅有理思才藻富贍擅名北州

時人謂之語曰激海赫赫歐陽堅石仕至馮翊太守

石浚字景倫清儉有鑒識敬愛人物位至黃門侍郎為當世名士

傅祗字子莊父嘏魏太常祗性至孝早知名以才識明練稱位至侍中遷司徒不拜

劉毅幼有孝行少勵清節然好臧否人物王公貴人望風憚之位至尚書僕射光祿大夫

裴憲為侍中王浚承制以為尚書陷石勒為右光祿大夫司徒大傅封安定郡公憲歷官無幹績之稱然在朝玄默未嘗以物務經懷但以德重名高動見尊禮

王罕字子綸愷子也幼有門風才望不及愷以淑行致稱為清

平佳士

和嶠少有風格慕夏侯玄之為人原自崇重有盛名於世朝野許其能整風俗理人論位至尚書令

王濟字武子少有逸才風姿英爽氣蓋一時好弓馬勇力絕人善易及莊老文詞俊茂伎藝過人有名當世與姊夫和嶠及裴楷齊名位至侍中河南戶

秦秀字玄良少敦學行以忠直知名終於博士

華嶠字叔駿才學深博少有令名位至祕書監散騎常侍山簡濤之子也性溫雅有父風後與譙國嵇紹沛郡劉謨引農楊淮齊名位至征南將軍鎮襄陽

王互衍之子少慕簡曠亦有俊才與衛玠齊名互衍為陳留太

守玠後至太子洗馬

荀闓字道明亦有名称京都為之語曰洛中英荀道明

羊曼任達頽縱好飲酒温嶠度亮阮放栢彞同志友善並為中
與名士時州里稱陳晋阮放為宏伯高平邾鑿為方伯泰山胡
母輔之為達伯齊陰下壺為裁伯陳晋蔡謨為郎伯阮孚為誕
伯高平劉綏為委伯而曼為黯伯凡八人号兗州八伯盖擬古
之八雋也曼位至前將軍放至楊威將軍交州刺史鑿至太尉
輔之至楊武將軍湘州刺史壺至領軍將軍謨至司徒不拜孚
至鎮南將軍廣州刺史綏至荊州刺史
江統字應元靜默有遠志時人為之語曰嶷然稀言江應元與
鄉人蔡克俱知名位至黃門侍郎散騎常侍

劉輿字慶孫雋郎有才局與弟琨並尚書郭奕之甥名著當時
京師為之語曰洛中奕奕慶孫越石輿官至潁川太守琨官至
司徒廣武侯

祖逖字士稚博覽書記該涉古今往來京師見者謂逖有贊世
才官至豫州刺史

華軼字彥夏少有才氣聞於當世汎愛博納衆論美之官至江
州刺史

劉琨少得雋郎之日與范陽祖納俱以椎豪著名琨位司空納
至光祿大夫

劉耽字敬道少有行檢以義尚汎稱為宗族所推位至特進金
紫光祿大夫

周馥字祖宣浚從父弟也父蕤安平太守馥少與友人成公簡齊名俱起家為諸王文學

裴楷字叔則明悟有識量弱冠知名老尤精易少與王戎齊名位至光祿大夫開府儀同三司戎至司徒

裴秀少好孝有風操八歲能屬文時人為之語曰後進領袖有裴秀裴玉一族盛於魏晉之世時人以為八裴方八王徽比王祥楷比王衍康比王綏綽比王澄瓚比王敦遐比王導領比王戎迭比王玄秀位至司空

顧榮字彥先吳國吳人為南土著姓祖雍吳丞相父穆宜都太守榮機神穎悟弱冠仕吳為黃門侍郎太子輔義都尉吳王與陸機兄弟同入洛時號為三俊例拜為郎中

徐邈姿性端雅勤行勵學博涉多聞少與鄉人臧壽齊名後至驍騎將軍

諸葛恢字道明潁川荀闔字道明陳留蔡謨字道明與恢俱有名譽人號中興三明時人為之語曰京都三明各有名蔡氏儒雅荀葛清恢位至侍中金紫光祿大夫

薛蕪字令長丹陽人父瑩有名吳朝吳平為散騎常侍蕪清素有器宇少與同郡紀瞻黃陵閔鴻吳郡顧榮會稽賀循齊名號為五俊初入洛司空張華見而奇之曰此南金也與瞻並位至散騎常侍鴻仕吳至尚書瑩至鎮東將軍司散騎常侍循至太常褚翼字謀遠以才藝楨幹稱襲爵閔內侯

張輔字世偉南陽西鄂人漢河間相衡之後也少有幹局與從

母兄劉喬齊名輔為馮翊太守喬至豫州刺史

索靖字幼安燉煌人官至游擊將軍靖少有逸群之量與鄉人范衰張麟索紉承俱詣太學馳名海內號稱燉煌五龍

牽秀字成叔武邑觀津人也祖招魏鴈門太守秀博辯有文才

性豪俠弱冠得美名為太保衛瓘尚書崔洪所知秀位至中書

令

衛瓘貞靜有名以明識清允稱位至太保

裴頠為人弘雅有遠識博學稽古履行嚴整自少知名位至尚書僕射

荀羨字令則崧之子清和有度年十五尚尋陽公生拜駙馬都

尉弱冠與琅邪王齊名

周顛少有重名廣陵載若思東南之美舉秀才入洛素聞顛名

性後之終坐而不敢顯其才辯位至護軍將軍

祖約逃之弟永嘉末隨狄過江元帝稱制引為掾屬與陳番阮孚齊名位至右將軍散騎常侍

胡毋輔之與王龍王敦度數俱為太尉王衍所昵號曰四友譙獻之巴西南充人有重名於西土

衛玠字叔寶風神秀異玠妻父樂廣有海內重名義者以為婦翁冰清女壻玉潤玠好言玄理王澄及王玄王濟並有盛名然

皆出玠下世云王家三子不如衛家一兒子時中與名士惟王承及玠為當時第一玠官至太子洗馬

王承字安期湛之子也弱冠知名太尉王衍雅貴異之比南陽

樂廣為東海太守去官東渡江及至建業為元帝鎮東府從事
中郎甚見優禮承必有重譽而推誠接物尽強恕之理故衆咸
親愛焉渡江名臣王道衡玠周顛庾亮之徒皆出其下

王謐字稚遠有美譽與譙国栢喬王綏齊名位至侍中揚州刺
史

周紀字宣珮強毅沉斷有父風而文學不及閉門絮己不妄交
游士友咸望風敬憚焉故名重一才位至建武將軍南郡太守
庾冰字季堅兄亮以名德流訓冰以雅素垂風諸弟相率莫不
好礼為世論所重亮常以為庾氏之室水位至車騎將軍江州
刺史

孔瑜字敬康與同郡張茂字偉康丁潭字世康齊名時人號曰
會嵇三康瑜位至鎮軍會稽內史

周密字泰玄性虛簡時人稱為清士位至尚書郎
王禮行宗人夷吾有美名博學不及行涉世聲譽過之元帝以
為主簿

王坦之字文度弱冠與郝超俱有重名時人為之語曰盛德絕
倫郝嘉賓江東獨步王文度

嘉賓超小子也坦之仕至北中郎將徐亮二州刺史超至司徒
左長史

王忱字達元弱冠知名與王恂俱流譽一時歷位驃騎長史嘗
造其舅范甯與張玄相遇甯使與玄語玄正坐歛衽待其有發
忱默不與言玄失望便去甯讓忱曰張玄吳中之秀何不與語

悅笑曰張祖希欲相識自可見詣審謂曰卿風流俊望真後來之秀悅曰不有此舅焉有此甥既而審使報玄玄來帶造之始為賓主悅位至建武將軍襲壯字子瑋巴西人也潔已自守與鄉人譙秀齊名不仕而卒褚裒少有簡貞之風與京兆杜又俱有名冠于中興位至衛將軍徐兗二州刺史

謝韶字穆度方之子少有名時謝氏光彥秀者稱封胡羯未封謂韶胡謂即羯謂玄未謂川皆其小字也韶位至車騎司馬郎至東陽太守玄至左將軍川早卒

謝安寓居會稽累辟不就時安弟萬為西中郎將摠藩任之重安雖處衡門其名猶出萬之右自然有公輔之望處家常以儀

子太傳

謝超宗陳陽夏人也祖靈運臨川內史父鳳元嘉中坐靈運事同徒嶺南早卒超宗元嘉末得還與惠休道人來往好學有文辭盛得名譽仕至臨川太守

袁粲好學善屬文有清譽於世官至司徒從事中郎

張敷好讀玄言與高士南陽宗少文談擊象少文每欲屈握麈尾嘆曰吾道東矣於是名價日重後為司徒左長史

江夷字茂遠少自藻勵為後進之美位至吏部尚書吳郡太守蔡廓為祠部尚書年位並輕而為時流所推重每至歲時皆束帶到門

王弘字休光少好學以清怡知名與尚書僕射謝琨善位至太

保顏延年與陳郡謝靈運俱以辭彩齊名自潘岳陸機之後文士莫及也江左稱顏謝焉所著並傳於世延年位至金紫光祿大夫
孔少骨體有風力以是為已任口吃讀書早知名初舉陽州秀才補主簿後至輔國將軍行會稽郡事
王敬引所居舍亭山林環周備登臨之美時人謂之王東山
褚炫為中書侍郎司徒右長史順帝時炫以清尚與劉侯謝朓江數入殿侍文義號為四友

新刊監本冊府元龜卷之七百七十六

新刊監本冊府元龜卷之七百七十七

總錄部二十七

名望第二

南齊張率為太子舍人武帝謂曰卿東南物望朕宿昔所聞祕書丞天下清官今以相處為卿定名嘗尋以為祕書丞
王績字叔素侍武帝為撫軍吏部尚書張岱選績為刺史呈選祿帝笑曰此可謂素望

何脩之廬江人明帝建武中為鎮北記室參軍侍皇太子講時步兵校尉劉瓛徵仕吳苞皆已卒京邑碩儒惟修之而已

何載為吏部尚書美容儀動止與淵相慕時人呼為小褚公陸惠曉為司徒右長史時陳郡謝朓為左長史府公竟陵王子良謂王融曰我府

二上佐求之前世誰可為比融曰兩賢同時便是未有前例

陸子真吳郡人王僧達貴公子以才傲物為吳郡太守入閭門曰彼有人為顧琛一公兩掾英英門戶陸子真五世內侍我之流亞

張融父暢有名于世後融為南陽又接對比使李道固就席道顧而言曰張融是宋彭陽長史張暢子否融頻蹙久之曰先君不幸名達六夷

張寔即融弟也建武中出為廬陵太守時名流謝滄河點惠曉孔稚珪至融弟鐵之舍點造坐便曰今日可謂集二五我兄弟之流河張氏保家之子顧見王思遠曰卿詐作善非寔得也五謂孔稚珪及融並弟五

朱巽以義烈知名官至江夏王參軍吳平令孔廣字淹源會稽

範訓子弟能為洛下書生詠有鼻疾故其名流音濁愛其詠而不能及或掩鼻以教之位至太尉

袁宏有三子其季曰明子有父風最知名官至臨賀太守

謝玄為會稽內史時吳興太守晉寧侯張玄之亦以才季顯自吏部尚書與玄同年之即而玄之名亞於玄時人稱為南北二玄論者美之

習鑿齒字彥威襄陽人也少有志氣博學洽聞以文筆著稱後至荊州別駕

孔沉與魏顓虞球虞存謝奉並為四族之後

王珉為侍中代王獻之為長兼中書令二人素奇名世謂獻之為太令珉為小令

却曾施字惠脫襲爵南昌公弱冠與王摠綏栢裔名累居清顯仕
至南臺校尉

吳德之字處默美姿容善談論博涉文史以儒雅標名位至光祿大
夫加金章紫綬

單喬為征西長史遂顯于朝廷時惟單與吳德之以寒素博學知名
于世

王恭字孝伯少有美譽清操過人自負才地高華常有帝輔之望與
王忱齊名善有慕劉惔之為人謝安常曰王恭地可以為將來伯舅
位至平北將軍充青二州刺史

宋謝莊少有美才文帝元嘉二十七年魏寇彭城魏遣尚書李孝伯
來使與鎮軍長史張暢共語孝伯訪問莊及王微其名聲遠布如此
後莊為中令金紫光祿大夫

王景文美風姿好言理少與陳郡謝莊齊名位至中書監領太人同
郡孔道皆博學知名廣美容止善吐納王儉張緒咸美之儉常云廣
來使人廢簿領道不須來來則莫聽去緒數巾車詣之每歎云孔廣
使吾成輕薄祭酒仕至揚州治中從事道抗直有才藻製東都于是
才士稱之陳郡謝瀹年少時游會稽還父莊問入東何見見孔道不
其重如此

王筠字元禮又字德柔琅琊臨沂人少擅才名與劉孝綽見重當世
位至太子詹事

傅昭字茂遠北城靈州人祖和之父淡知名宋世或有稱昭於廷尉
封虞愿乃遣車延昭時愿宗人通之在坐並當世名流官至散騎常侍

張纘字伯緒為太子洗馬歷中舍並掌管記與琅邪王錫齊名普通
初魏遣彭城人劉善明詣京師請和求識纘年時二十三善明見而
嘆服後至平北將軍

顏協為湘東王國常侍世祖出鎮荊州轉記室時吳郡顏協亦在藩
邨與協同名才季相亞府中稱為二協

何思澄與宗人遜子即俱擅文名時人語曰東海三何子即最多思
澄聞之曰此言誤耳如其不然故當歸遜思澄意宜在已也位至宣惠
武陵王中錄事

伏暄字玄耀曼容之子幼傳父業能言玄理與永安任昉彭城劉曼
俱知名官至給事黃門侍郎

柳裘字茂和義興太守明之子少聰慧弱冠有令名歷尚書郎駙馬都尉

後梁蔡大業為太常卿有五子允恭最知名起家著作佐郎柳愷為
黃門侍郎與琅邪王峻俱為中庶子時人號為方王

王操為尚書令有七子次子衡最知名有才學起家祕書郎

陳沈照字孔明吳興武康人少有俊才為當時所重後至明威將軍
饒宗元南郡人少好學以孝敬聞位至吏部尚書

顧野王父烜為臨賀王記室以儒術知名野王少以著學至性知名
為太子率更令時官僚有濟陽江惔吳國陸瓊北地傅繹吳興姚察
並以才學顯着論者推重焉

周引正字思行汝南人仕梁為左氏尚書散騎常侍元帝着金樓子
曰余以諸僧重招提琰法師隱士重華陽陶真曰士大夫重汝南周
引正其於義理清轉無窮亦一時之名士也位至尚書右僕射

徐陵字孝穆名高一代位至尚書僕射

王冲字長深善與人交貴游之中聲名籍甚位至左光祿大夫領丹陽尹

王通琅邪人父琳有子九人並知名通位至左光祿大夫加特進侍中

張種吳郡人少悟靜居處雅正不妄交游時人為曰宋稱敷演梁則

卷充清處學尚種有其風

敷演卷充四人皆張氏有名者也

種至光祿大夫

蕭引為吏部郎卒子德言最知名引宗族子弟多以行知名

陸縉幼有志尚以雅正知名位至左僕射

顏晃瑯琊人家單門傍無戚援而介然修立為當世所知官至散騎

常侍兼中書舍人

後魏崔玄伯清河東武城人與同郡董謚文京崔康時廣明陽霍原

等俱以碩學播名遼海位至天部大夫進祿為公

高翻太尉謚之子以器度知名卒於侍御中散騎常侍兼中書舍人

崔攄三齊王人以才李知名奉冀州秀才

公孫軌字元慶少以文李知名後為中書郎

屈遵字子度昌黎徒河東人博李多才藝名著當時位至侍中

李順字德正博涉經史有才策知名于世官至散騎常侍

李騫字希文博涉經史文藻富盛年十四為國子李生以聰達見知

李暉字善祖小字巢囊少有高名為中書侍郎

李丞燉煌公室之子有鑒裁為時所重

薛聰字延智有世譽累遷治書侍御史直閣將軍

房宣明灵達之子以文李著稱雅有父風為中書博士

房聖字千秋少有才名為秘書郎

房灵賓文藻不如兄灵建而辯悟過之灵建在南官至州治
中渤海太守以才名見称兄弟俱入国為平齐民雖流剽屯北
操尚卓然

高韶少以英節知名同郡封懿雅相敬為慕容垂太尉從事中
郎

盧文甫字元祐少有器局涉瀝文史有譽于時

崔綽博陵安平人少孤李脩謹有名于世

呂羅漢為人慎容弱冠以武幹知名官至内都大官

張蒲甚為明元所委在謀臣之列屢出為將朝廷清論常為称首後為相州刺史

趙柔字元順金城人少以德行才李知名河右官至河内太守

張湛字子然一字仲玄燉煌人弱冠知名士好李能属文冲素有

大志為沮渠蒙遜黃門侍郎

李孝伯美名聞于遐邇李彪使于齐武帝謂之曰在北有李孝伯至尚書

游雅字伯度小名黃頭廣平任人少好李有高才太武時與渤海高

允等俱知名徵拜中書博士東宮内侍長

游明根孝文初與高閭以儒老李業特被礼遇公私出入每相追隨

而閭以才華時侮明根世號高游焉明根位太鴻臚卿閭後至

中書監

李神俊小名提少以才李知名為太常刘弟芳所賞位至侍中

宋弁字羨和廣平列人祖愔與從叔宣博陵崔建俱知名太武

時歷位中書博士員外散騎常侍

張烈字徽仙少孤貧涉獵經史有氣槩時青州有崔徽伯房

徽叔與烈並有令譽時人號曰三徽後至瀛州刺史

陽尼博通經籍與上谷侯天護頓丘李彪同志齊名官至幽州北平府長史

祖瑩與陳郡袁翻齊名秀出時人為之語曰京師楚楚素與祖洛中翩翩祖與袁瑩位至車騎大將軍翻至撫軍將軍

北齊邢劭字子才十歲能屬文文章典麗既贍且速年未二十名動衣冠與濟陰溫子昇為李士之冠世論謂之溫邢鉅鹿魏牧雖天才豔發而年事在二人後故子昇死後方稱邢魏焉劭位至中書監

魏叔字伯起小字佛助與河間邢子才及叔叔季景並以文章顯世稱大邢小魏言尤俊也溫子昇邢子才世號三才叔少子才十歲子才每日佛助察人之儔後叔稍與子才爭名文宣貶子才曰尔

才不及魏叔叔益得志自序云先稱溫邢後曰邢魏然叔內陋邢心不許也位至尚書右僕射

崔陵狀貌偉嚴善於容止少有名望為當世所知趙郡李渾嘗譙聚名輩詩酒正謹譁陵後到一坐無復談話者鄭伯猷歎曰身長八尺面如刻畫為警欬洪鍾響胸中貯千卷書使人那得不畏服位至東兗州刺史

鄭述祖字恭文滎陽開封人少聰敏好屬文有風檢為先達所稱嘗釋褐司空行恭軍

陸印字雲駒少機悟美風神好學不倦博覽郡書五經多通大義善屬文甚為河間邢劭所賞劭文與印父子彰交游常謂子彰曰吾以卿老蚌遂出明珠意欲為卿拜紀可乎由是名譽日高儒

雅縉紳尤所推許為吏部郎中

李廣博涉群書有才思文象之美少與趙郡李蒼齊名為邢魏之
亞而訥於言敏於行官至侍御史

皮子信大將軍景和之子機悟有風神徵涉書傳後主時為衛將
軍於勲貴子弟之中稱其鑒識

盧公順早以文李見知為符堅即待詔文林館與博陵崔君洽隴西
李師上同志交善從駕晉陽寓居僧寺朝士為唐寺三少為物
論推詳

陽休之俊爽有風槩少勤李愛文藻弱冠擅聲為后未之秀位至中書監
祖珽字孝徵神情機警詞藻道逸少馳令譽為世所推起家秘書郎
後周席固襄陽人居家孝友為州里所重官至昌州刺史

常孝寬為浙陽郡守時獨孤信為新野郡守同隸荊州與孝寬情好款
密政術俱美荊部吏人號為連璧

常壽字世齡鄭國公孝寬之子以貴公子早有令譽為右侍上士

柳莊字思敬少有器量博覽墳籍兼善辭令濟陽蔡太室有重名於江
右時為岳陽王蕭譽諮議見莊歎曰襄陽水鏡復在於茲太室遂以
其女妻之俄而答辭為參軍

蘇亮好屬文善章奏與弟湛等皆著名西土一家奉二秀才亮初奉秀才
至洛陽過河常景景深器之而謂人曰秦中才奉可以抗山東將此人
乎位至侍中

宇文神奉偉風儀善辭令博涉經史性愛篇章尤工騎射臨戎對寇勇而
有謀莅職當官每著聲績兼好施愛士以雄豪自居故得任兼文武

聲彰外內百僚無不仰其風其先輩茲於今稱之位至并州摠管

隋李德林字公輔初仕周為內史上士武帝嘗於云陽宮作鮮卑語群臣云我常日惟聞李德林名及見其與齊朝作

移檄我正謂其是天上人豈意今日得其驅使復為我作文書極為大異德林既少有才名重以貴顯凡製文章動行於世或不知者謂為古人為位至上儀同贈定州刺史

柳表字茂和少聰慧弱冠有令名官至曹州刺史

何妥字棲鳳少聰警年十七以技巧仕梁湘東王俊知其聰明召為誦書左右時蘭陵蕭裔亦有俊才住青陽巷妥住白陽頭時人為之語曰世有兩俊白陽何妥青陽蕭春春其見美如此官至國子祭酒

收為長雉德音為鷲元敬最小謂鷓鴣收仕至天策府記室元敬至天策府參軍記室

即余令少以博季知名為霍王元軌府參軍元軌深禮之先是余令從父知年為霍王友元軌謂人曰即氏兩賢人之望也

王績字元功絳州人嘗躬耕於東臯故時號東臯子

白履忠陳留浚儀人博涉文史隱居于古大梁城時人號丘子

孔紹安少與兄紹薪俱以文詞知名外虞世南歎異之時有詞人孫萬壽與紹安篤忘年之好時人稱為孔紹安官至秘書監

鄭世翼鄭州滎陽人弱冠有盛名後為楊州錄事參軍謝偃善為賦李百藥為五言詩時人稱李詩謝賦仕至湘潭令

許叔牙為太子洗馬兼崇館學士又有臨淮劉子翼彭城劉裔之與

叔牙相次為李士並以文李知名

楊照華州華陰人少與絳州王勃范陽盧照隣東陽駱賓王皆以文詞知名海內稱為王楊盧駱亦號為四傑照至盈川令勃至虢州參軍照隣至新都尉賓王至臨海丞

張昌齡冀州人弱冠以文詞知名仕是襄州司戶北門脩撰

趙元楷性机辯明于簿領隋末任上郡東曹掾以幹理見稱煬帝聞其名遥署歷陽郡丞孟利貞與薰思恭元思敬同時並以文藻知名利貞仕至著作郎弘文館李士思恭至大史思敬至協律郎

劉禕之少與孟利真高知周郭正一俱以文藻知名時人目為劉孟高郭偉之位至中書侍郎同中書門下三品知周至右散

劉綽以儒李知名劉炫聰明博李名亞於焯故時人稱為二劉馬焯焯官至大李博士炫至旅騎尉

元暉尚書左僕射翌之子頗好涉獵書記少得美名於京下

王脣字元恭瑯琊臨沂人博李多通少有盛名於江左歷太子洗馬中舍人

裴政字南金位膳部郎中李涉有文藻以輕財貴義稱

陸彥師字雲房少有行檢為邦族所稱位至吏部侍郎

宇文愷字安樂少有器局家世武將諸兄並以弓馬自愷獨李博覽書記屬文多伎藝號為名公子位至金紫光祿大夫

崔儵字岐叔北齊侍詔文林館歷殿中膳部員外三曹郎中儵與頓丘李若俱見稱重時人為之語曰京師灼灼崔儵李若

王胃字承基為著作佐郎與虞作齊名同志友善于時後進之士咸

以二人為准的胃官至朝散大夫悼至著作佐郎

蘇曷尚書右僕射威之子少有盛名於天下引致賓客四海士大夫多歸之官至通議大夫

余仲文儻有大志氣調英拔當時號為名公子起家為趙王屬游元仕後周歷壽春令譙州司馬俱有能名肖敬字弘儉少以真界知名仕至潁川郡丞

陳孝意少有志尚弱冠以真介知名仕至鴈門郡丞

唐李百藥德林子也以名臣之子才行相繼四海名流莫不宗仰位至宗正卿

杜掩聰辨多才藝弱冠有美名於京邑位至御史大夫

薛收與從子元敬及薛德音俱才名時人謂之河東三鳳呼為騎常

侍正一至陝州刺史

格輔元汴州浚儀人與伯父德仁同郡剡縣丞繫師玄齊王文學王孝逸羅川戶曹靖居亮司隸從事鄭祖咸宣城縣長鄭師善王允中書舍人李行簡處士盧協咸見重於隋代號為陳留八俊

邢文偉滁州人與和州高子貢俱以博學知名於江淮間仕至內史出為珍州刺史

蓋文達博涉經史其宗人文懿亦以儒業知名時人稱為二蓋焉文達位至蜀王師文懿至國子博士

杜易簡博學有高名姨兄岑文本甚推重之仕至開州司馬

周思茂具州漳南人少與弟思鈞俱早知名仕至麟臺少監文館學士

喬知之同州馮翊人少與弟侃儔並以文詞知名知之尤稱俊才官左司郎中侃至襄陽令

富嘉謨雍州武功人與新安吳少微屬皆以經典為本時人欽慕之稱為吳富體初嘉謨為晉陽尉與少微同官魏郡谷倚為太原主簿皆以文詞著名時人為之北京三傑嘉謨少微並官至監察御史倚後留寓客死

韓滉宰相休之子幼有美名所與結交皆時之俊彥非公忠正直者不與之親密位至右僕射

沈佺期善屬文尤長五言之作與宋之問齊名時人稱為沈宋佺期官至太子詹事

宋之問父令文有勇力而工書善屬文世人以為三絕之問以詞知名弟之悌有勇力之遜善書議者云各得父之一絕之問後至越州長史之遜至太原尹

徐彥伯兗州瑕丘人少以文章擅名為蒲州司兵參軍時司戶韋暉善判事司士李亘工於翰札而彥伯以文詞雅美時人謂之河中三絕陸象先初為洛陽尉以宰相子聞望甚高

蘇晉與洛陽人張循之仲之兄弟為友並以學業著名

劉允濟善屬文絳州王勃早齊名特相友善官至鳳閣舍人左遷青州長史

蘇味道少與李嶠俱以文學知名時人謂之蘇李味道位至鳳閣侍郎同鳳閣鸞臺三品嶠至中書令

蘇懷中宗朝歷左右僕射同中書門下三品子七人頴冰詵義穎銳

顏頴最知名官至中書侍郎平章事詵戶部員外瓌與李嶠同居相
位嶠有才華其子不肖瓌以幹理而頴有文詞故代稱蘇瓌有子李
嶠無兒

薛登博涉文史少與徐堅劉子玄齊名友善登官至太子賓客堅右
散騎常侍子玄至左散騎常至貶安州別駕趙驊與殷寅顏真卿柳
茹陸據蕭穎士李華邵軫同志友善故天寶中語曰殷顏柳陸蕭李
邵趙以其重行義敦交道也驊至祕書少監

蔣沅性耿介獨好學早有名稱官至左散騎常侍

蕭嵩長子華兵部侍郎少有子衡尚新昌公主拜駙馬都尉並風流
簡蕭士稱疾之

韋陟中書令安石之子開元初丁父之憂居喪過禮自此杜門不出

捌年於茲與弟斌相勸勵探討墳索不舍晝夜文華當代俱有盛名
官至吏部尚書東都番守

李邕為滑州刺史上計京師邕素負美名頰被貶斥皆以邕能

文養士賈生信陵之流執事忌勝剝落在外人間有此聲後生不識
京洛阡陌聚觀以為古人或將眉目在異衣冠望風尋訪門巷又中
使臨問索其新文復為人陰中者不進

賀知章會稽人少以文詞知名神龍初知章與越州賀朝

融楊州張若虛邢巨湖州包融俱以吳越之士文詞俊秀揚名於上
京位至銀青光祿大夫正授兼祕書監

蕭穎士字茂挺與李華同年登進士第開元中承平人物駢集如賈
曾席豫張均常術輩皆有盛名而穎士皆與之游由是縉紳名譽之士

時外夷亦知穎士之名新羅使入朝言國人願得蕭夫子為師其名動華夷若此
王維以詩名盛於開元天寶間凡諸王駙馬豪右貴勢之家無不拂席
迎之代宗時弟縉為宰相嘗謂縉曰卿之伯氏天寶中詩名冠當代位至尚書右
丞

李白少與魯中諸生孔巢父韓淮裴政張叔明陶沔等隱於徂來山
時號竹溪六逸自後詔入翰林辟永王璘從事

杜甫字子美天寶末詩人甫與李白齊名後檢校至工部員外郎
路群志行貞潔不如葷食肉養親以孝聞自長慶以來高名重價歷
踐清貴及卒時論嗟惜

揚綰素以德行者稱清識過人凡所知名皆一時名士位至中書侍
郎平章事

李栖筠字真一趙郡贊皇人幼孤貧而器度雄遠軀貌瓌傑博覽墳
籍無所不通屬文勁迅然本於理道教化性言嚴重寡言造次不妄
交接故當時高明之士皆敬慕之為御史大夫以剛正為元載切惡
天下之士重其高義雖三尺童子皆知敬慕為贊皇公而不名焉
張涉以經學為儒官嘗舉日試萬言當時呼為張萬言位至散騎常
侍李承少有雅望至其從官頗以貞廉才術見稱於時累官兼荆潭
州刺史

崔造與韓會盧東美張正則為友僑居上元好談經濟之畧嘗以王
佐自許時人號為四造後至給事中平章事

韓夏卿早有奇稱其所與游皆一時名士位至東都番守選大子少
保

趙昌字洪祚祖不器父居真皆有名於時昌官至太子少保
和士美善與人交然諾之際豁如也當時名稱甚茂位至忠武軍節
度使

呂元膺字識深遠處事得體正色立朝有臺輔之望位至太子賓客
薛戎為浙東觀察使兄弟五人季弟景知名放至江西觀察使

韓臯字仲文夙負令名器質重厚有大臣之度後為杭州刺史再為
尚書右丞迂負昌鎮海忠武三節度所至皆有聲績大率用簡儉為
理及位高益為時人所重

錢起與韓珣李端盧綸司空曙輩十人俱以能詩出入貴游之門時
號十才子形於圖畫位終尚書郎

錢徽起子也以文孝操行立名于時官至吏部尚書致仕

孔敏行字至之文宣王四十四代孫父述睿有高名於貞元間敏行名
臣子少時脩潔為人所稱慕及游宦與當時豪俊為友其名華為一
時歸奏

崔郾與兄郾等皆有令譽而郾疎財恢廓弟兄所不及郾位至浙西
觀察使郾至太常卿

元禎字徽之聰警絕人年少才名與大原自居易友善工為詩善狀
詠風態物色當時言詩者稱元白馬禎至工部侍郎平章事卒於武
昌軍節度使居易至刑部尚書致仕

李商隱字義山與太原溫庭筠南郡段成式齊名時號三才子商隱
仕後至東川節度判官檢校工部郎中庭筠至隋縣尉成式至江州
刺史

王凝咸通中知禮闈時凝擅價一時與路岳相齊語曰王凝路岳見便脫鼓位至宣州觀察使

後唐宰相趙光裔唐天佑中歷官省閣伯仲皆以廉潔方正流聞于時自梁孽未亡時趙氏伯仲之名北人皆所傾慕位至平章事

賈馥性恬澹與物無競為鎮州士人之秀位至鴻臚卿致仕

趙光逢幼嗜墳典動守規檢議者目之為王界尺昭宗朝登進士第踰月辟度支巡官臺省內外俱制俱有能名後為太保致仕

晉鄭韜先唐宣宗之外孫萬壽公主之所出也三日生一子出身隸章朱綬及長美容止神爽氣徹不妄喜怒秉執名節為甲族所稱後為戶部尚書致仕

新刊監本冊府元龜卷之七百七十七

新刊監本冊府元龜卷之七百七十八

總錄部二十八

高尚

易曰高尚其事仲尼之稱儒有不臣不仕者焉斯蓋抱璞以自守處晦而無悶不降其志獨善其身絕俗以高蹈確乎其不可拔也三代以還乃有恥廁家部之列不韞驕居之餌棄卿相之位辭封邑之富安居徵聘而靡屈公府交辟而不起雖復蒲帛貴于丘園羔鴈陳于庭戶視之蔑如也非夫德充於內茂茂乎已勵行無爽處躬有裕又安不墮獲而克誦哉然而當時之君亦曷嘗不優容大度以成其高世之節今並採其事迹著之于篇或有早歲抗志而避名暨及晚年逢辰而責任出處有道亦無媿焉

閔損字子騫魯人孔子弟子也不仕大夫不食污君之祿季氏使子騫為費宰子騫曰善為我辭焉不欲為季氏宰詎使者善為我作辭說今不復召我如有復我

者復我者重未召我必在汶上矣去之汶水之上欲北如齊莊周家也楚王史記作威王遣

使者持金千斤白璧百雙聘欲以為相莊子固辭而不許使者曰黃

金白璧室之至重卿相之位至尊先生辭而不受何也莊子曰子所

謂見其一未知其二者也獨不見入廟之牲乎不以文繡飼以菱穀

出則清道而行止則居帳之內此亭不貴邪及其不免于死庖宰

執刀於前或持刀在後當是之時雖欲為狐豚伍雞鼠游豈得乎哉

僕聞之左手入天下之函右手刎其喉愚者不為也何則身重天下

也又况卿相之位乎終辭而不受

魯仲連齊人也好奇偉椒黨之畫策而不肯仕官任職好持高節游

於趙會於秦面趙魏王使客將軍新垣衍間入邯鄲因平原君欲令

趙尊秦為帝魯連責而歸之秦君引去於是平原君欲封魯連魯連

辭讓使者三往終不肯受平原君乃置酒酒酣起前以千金為魯連

壽魯連笑曰所謂貴於天下之士者為人排患釋難解紛亂而無取

也即有取者是商賈之事也而連不忍為也遂辭平原君而去終身

不復見其後復為齊將田單遺燕將書下聊城田單欲爵之魯連逃

隱於海上曰吾與富貴而誣於人寧貧賤而輕世肆志焉

淳于髡齊人客有見髡於梁惠王再見之而終無言也知王之志在

驅遂音聲也後復見一語連三日三夜無倦惠王欲以卿相位待之

髡因謝去於是以安車駕肆束帛加璧黃金百鎰終身不仕顏蠲齊

人宣王謂蠲請受教為弟子且先生與寡人游食必太半出必乘車

妻子衣服麗都顏蠲辭去曰夫王出於山制則破焉非弗室貴矣然
太僕不完士生乎鄙野推選則祿焉非不得遵遂也然而刑神不全
蠲願得歸蔬食以當肉安步以當車無罪以當貴清淨真正以自虞
制言者王也尽忠真言者蠲也言要道以備矣願得賜歸安行安得
及臣之邑屈則再拜而辭去也曰蠲知知矣歸反撲而終身不辱也
鄭漢子真耕於谷口非其服弗非其食弗食大將軍王鳳以禮聘子
真子真遂不出

後漢王扶容客居琅琊國相張宗謁請不應欲強致之遂杖策歸鄉
連請固病不起大傳鄧禹辟不至

庶范喪親服竟請京師受業事博士薛漢京兆籠西二郡更請召皆
不應後率茂才累遷至蜀太守

承宮少勤學不倦經典既明乃歸家教授三府更辟皆不應三府謂

尉司徒
司空府

鄭均常稱病家庭不應州郡辟召郡將欲必致之使縣令譎將詣門
既至足不能屈均於是客於撲建初三年司徒鮑昱辟之後率直言並不詣
趙典性明達至節清亮益州舉茂才以病辭大尉黃瓊胡廣率有道
方正皆不應

栢燁舉孝廉有道方正茂才三公並辟皆不應

張衡雖才高於世而無驕尚之情常從容談靜不好交接俗人永元
中奉孝廉不行連辟公府不就安帝雅聞衡善術李公車特徵拜郎
中累遷至尚書

周燮字彥祖汝南安城人專精禮易不讀非聖之書不脩賀問之好

有先人草廬結于周畔下有陂田常肆勤以自給非身所耕漁則不食也鄉黨宗族希得見者奉孝廉賢良方正特徵皆以疾辭延光二年安帝以玄纁焦幣聘熒及南陽馮良三郡客遺承椽致礼宗族更勸之曰夫脩德立行所以為國自先世以來勲寵相承君獨何為守東岡之陂乎熒曰吾既不能隱處巢穴勉綺李之迹而猶顯然不遠父母之斯固以滑泥楊陂同其流矣夫脩道者度其時而動動而不時焉得享乎因自載到潁州陽城遣生送敬送敬猶致謝也遂辭疾而歸良亦載病到近縣送礼而還詔書詔二郡歲以羊酒養病至七十餘而卒孫期習京氏易古文尚書牧於大澤中以養親郡舉方正遣吏贖羊酒請期期驅豕入不顧司徒黃琬特郡不行終於家孝固司潁益州並命郡奉孝廉辟司空椽皆不就謝承書曰五冊奉茂才不應五奉孝廉益州府連辟辭以疾後公卿舉

因對策以為議郎累加至大尉

張芝少特高節以名臣子勤孝文為儒宗武為將表太尉辟公車有道皆不至號張有道周勰汝南汝南人父奉光祿大夫以父任為郎自免歸家父故吏河南召為郡將卑身降礼致敬於勰恥交報之因杜門自絕後太守奉孝廉復以疾去時梁冀貴盛彼其徵命者莫敢不應惟勰前後三辟竟不能屈後奉賢良方正不應又玄纁備礼固辭廢疾常隱處竄身慕老聃清淨杜絕人事蒼生荆棘十有餘歲至延禧二年乃開門延賓遊談宴樂及秋而梁冀誅年終而勰卒時年五十蔡邕以為知命

姜肱諸公爭加辟命皆不就二弟名聲相次亦不應徵聘時人慕之桓帝乃下彭城使畫工圖其形狀肱以被韜面終不得見年七十七

卒徐穉屢辟公府不起時陳蕃為太守以禮請署功曹穉不就之既
謁而退建武中卒於家

趙暉受韓詩州召補從事不就舉有道卒于家

張康山陽人習韓詩舉有道博士徵不就卒於家

宗慈南陽人舉孝廉九辟公府有道徵皆不就後為脩武令升官去

徵拜議郎未到道疾而卒

侯瑾州郡累召公車有道辟公府并不行終於家

孔裔幽居脩志競意典籍至歷年身不出門鄉里莫得瞻見公車徵

不行卒于家

桓鸞以世濁州郡多非其人耻不肯仕

黃憲汝南人太守王龔在郡禮進賢達多所降致卒不能屈憲初舉

孝廉又辭公府友人勸其仕憲亦不拒之暫到京師而還意無所就

年四十終天下號曰徵君

法真字高卿高一性恬淨寡欲不交人問事太守請見之真乃幅巾

請謁太守曰昔魯秉公雖為不肯而仲尼稱臣太守虛導欲以功曹

相屈光贊本朝如何真曰以名府見待有禮故敢自同賓末若欲吏

之真將在北山之北南山之南矣太守懼然不敢復言辟公府舉賢

良皆不就同郡田羽薦之曰處士法真休兼肆業孝窮典與幽居活

泊樂以忘憂將蹈老成之高蹤不為玄纁屈也臣願聖朝就加褒賤

必能唱清廟之歌致來儀之鳳矣會順帝西巡羽又薦之帝虛心歎

致前後四徵真曰吾既不能避形遠世豈欲洗耳之水哉遂自隱絕

終不降屈友人郭正稱之曰法真名可得而聞身不可得而見逃名

而名我隨避名而名我追可為百世之師者矣乃共刻石頌之號曰
玄德生年八十九以壽終

董扶有重名永康元年日有蝕之詔舉賢良方正之士策問得失左
馮翊趙廉等牽扶扶以病不詣達於長安上封事遂稱疾篤歸家前
後宰府十辟公車三徵再舉賢良方正博士有道皆不就名稱尤重
許邵有高行辟公府掾拜鄢陵令方正徵皆不就避亂江南所歷之
國必翔而後集終於豫章宗人許翊沉沒榮利致位司徒舉宗莫不
匍匐門承風而驅官以賄成惟劬不過其門

中屠蟠再舉有道不就前後徵辟文書悉掛于樹初不顧眄也大將
軍何進連徵不意進必欲致之使蟠同郡黃志書勸曰前幕府初開
至如先生特加殊禮優而不名申以手筆凡設杖之坐經過二載而

先生抗志弥高所尚益固竊論先生高節有餘於是時則末也今穎
川荀爽載病道在北海鄭玄北面受署彼豈牙羈牽哉知時不可逸
豫也昔人之隱遭時則放声滅跡巢棲茹薇其不過也則裸身大笑
披髮狂歌今先生處平壤游人間吟典籍襲衣裳事異昔人而欲遠
蹈其跡不亦惟乎孔子可師何必首陽蟠下答大尉黃瓊辟不就及
瓊卒歸葬江夏四方名豪會帳下者六七千人互相談論莫不及蟠
者惟南郡一主與相酬對既引執蟠手曰君非聘則徵知是相見於
上京矣蟠勃然作色曰始吾以才為可與言也何意乃相拘來貢之
徒耶因振手而去不復與言年七十四終於家

劉淑隱居講授州郡禮請五府連辟並不就永丹二年司徒种嵩舉
淑賢良方正辭以疾桓帝聞淑名初責州郡使與詣淑不得已而

赴洛陽對策為天下第一梁遷至侍中虎賁中郎將

陳寔嘗為大丘長以沛國賦歛違法乃解印綬去及黨禁始解大將軍何進司徒遠颺遣人喻寔欲持表以不次之位寔乃謝使者曰寔久絕人事飭巾終待而已時三公每缺議者歸之累見徵命遂不起閉門懸車棲遲養老寔子紀遭黨錮著書數萬言黨禁解四府並命無屈就

种岱字公祖孝養志舉孝廉茂才辟公府不就辟特車徵病卒

楊彪字文先少傳家孝初奉孝廉州舉茂才辟公府皆不就郭林宗遊於洛陽名震京師司徒黃瓊辟太常趙典舉有道或勸林宗仕進者對曰吾夜觀乾象晝察人事天之所廢不可支也遂並不應卒于家田盛與郭林宗同好亦名知人優游不仕並以壽終

孟敏遊孝十歲年遂知名三公俱辟並不屈

穎容通春秋左氏郡舉孝廉州辟公府徵皆不就初平中避亂荊州劉表以為武陵太守不肯赴卒於家

黃甫嵩朝郡人也太尉陳蕃大將軍竇武連辟並不到灵帝公車徵為議郎後拜太尉其冬以流星策免復拜光祿大夫遷太常卒

鍾皓九辟三府廷辟方正博士林慮長皆不就年六十九卒

張玄字處虛沉深有才畧以時亂不仕司空張溫數以礼辟不能致其董卓秉政辟為掾舉侍御史不就卓臨之以兵不得已疆起道病終

鄭玄來紹舉茂才為中郎將皆不就公車徵為太司農給安車一乘所過長史送迎玄乃以病自乞還家年七十四而卒

李燮父固誅後亡匿遇赦乃還鄉里追服州郡禮命四府並辟皆無所就後徵拜議郎擢遷河南君

賀純字仲真會稽山陽人少為諸生博極郡藝十辟公府三舉賢良方正五徵博士四徵公車皆不就

袁引恥其門族貴執乃變姓名徒步師門不應徵辟終於家初引嘗入大李其從父逢為大尉呼引與相見遇逢宴會作樂引伏稱頭痛不聽聲音而遠遂不往紹術兄弟亦不通

仲長通每州郡命召輒稱疾不就常以為凡遊帝王者欲以立身揚名耳而名不常存人生易滅優游偃仰可以自娛欲卜居清曠以樂其志論之曰使君有良田廣宅背山臨流溝池環市竹木周布塲圃築前果園樹後舟車足以代步涉之艱使令足以息四體之役養親

有兼珍之膳妻孥無苦身之勞良朋萃止則陳酒肴以娛之嘉時吉日則烹羔豚以奉之嗜嘯畦苑遊戲平林濯清水追涼風釣游鯉戈高鴻風於舞雩之下詠歸高堂之上安神閨房思老氏之玄靈呼吸精和求至人之彷彿與達者數子論道講書俯仰二儀錯綜人物彈南風之雅操發清商之妙曲逍遙一世之上睥睨天地之間不受當時之責永保性命之期如是則可以陵霄漢出宇宙之外矣豈羨夫入帝王之門哉又作詩二篇以見其志尚書令荀彧舉為尚書郎後參丞相曹操軍事

孔融與平原陶丘洪陳留邊讓齊聲稱州郡禮命皆不就後獻帝徵為將作大匠迁少府復拜大中大夫

廖扶汝南平輿人嘗嘆曰老子有言聲與身孰親吾豈為名乎遂絕

志世外專精經典尤明天文讖緯風角推步不應辟召時人號為北郭先生

趙壹君舉止詳明動京師及還州郡爭致禮命十辟公府並不就終於家王烈字彥方太原人察孝廉三郡辟皆不就避地遼東太守公孫度欲以為長史烈乃為商賈自穢得免曹操聞烈高名遣徵不至建安二十四年終於遼東

繆斐字文雅該覽經傳事親色養徵博士六辟公車獻帝安上卿博字名儒時舉斐任侍中並無所就

張儉為山陽東部督郵坐黨事亡命中平元年黨事解乃還鄉里大將軍三公並辟又舉郭朴公車特徵起家拜少府皆不就

王雋為人外靜而內明不應州郡獻帝之都許復徵為尚書又不就

張奉字公先弟表字公儀河內人兄弟少有高節諸公連徵不就謂之張氏兩賢

襄楷平原溫陰人

在齊州臨邑縣西

好孝博古延熹中宦官專朝政刑暴濫又

北失皇子災異尤數楷自家請闕上書其詞切直坐論司寇及靈帝即位以楷書為然太傅陳蕃舉方正不就鄉里宗之每太守至輒致禮請中平中與荀爽鄭玄俱以博士不至卒于家

魏柄原字根矩少與管寧俱以操尚称州府辟命皆不就為北海相舉原有道從後署丞相徵氏伏京茂為五官將史

管寧字幼安漢末避亂遼東黃初中來歸司徒華歆舉寧詔以寧為

大中太守固辭

傳子曰寧上書天子且以病辭曰臣聞傳說發夢以感殷宗呂尚啓以兆動周文以通神之才慢于圣至用能輔佐帝業克成或大勳臣之朽甚非其人雖貪清時什

休蟬蛻內者頑病日薄西山惟陛下所野人山數之臣使一老者得盡微命書奏帝親覽焉

明帝即位大尉華歆遜位讓寧遂

下詔曰大中大夫管寧耽懷道德服膺六藝清虛足以伴右廉白可
以表世曩遭王道衰缺浮海適居大魏受命則襁負而至斯蓋應龍
潛升之道聖賢用舍之義而黃初以來徵命屢下每輒辭病拒違不
至豈朝廷之政與生殊趣將安樂山林往而不能反乎夫以姬公之
聖而考德不降則鳴鳥弗聞以秦穆公之賢猶思詢乎黃髮况勝
寡德曷能不聞道于子大夫哉今以寧為光祿勳禮有大倫君臣之
道不可廢也望必速至稱朕意焉又詔青州刺史曰寧抱道懷真潛
依海隅北下徵書違命不至盤桓利居高尚其事雖有素履幽人之
真而失考父茲恭之意使朕虛心引領歷年其何謂邪徒欲懷安必
肆其志不惟古人亦有翻然改節以隆斯民乎日逝月餘時方已逼
澡身浴德將以曷為仲尼有言吾非斯人之徒與而誰與哉其命別
駕從事郡承椽奉詔以禮發遣寧詣行在所給安車使從茵褥道在
厨食上道先奏寧稱草莽臣上疏曰臣海濱孤微罷農無伍祿運幸
厚橫蒙陛下纂承洪緒德侔三皇化溢有唐久荷渥澤積祀一純不
能仰答陛下恩養之福沉委篤痾寢疾稱留逋違臣肆顛倒之節夙
宵戰怖無地自厝臣元年十二月被公車司馬令所下州郡八月甲申
詔曰微臣更賜安車衣被茵褥發遣光寵並臻優命屢至征營悚息
悼心失圖思自陳聞申展愚情而明詔抑割不令稍脩章表是以鬱
滯訖于今日誠為乾覆恩有紀極不意靈潤彌以隆赫今年二月被
州郡所下三年十二月辛酉詔書重賜安車衣服別駕從事與郡公
曹以禮發遣又時被璽書以臣為光祿勳躬秉勞謙引喻周秦損上
益下受詔之日精魄飛散靡所投死臣重自省揆德非園綺而蒙安

車之榮功無實黜而蒙重封之寵染椀駕下荷棟梁之任垂役之命
獲九棘之位惧有朱博鼓妖之青又年疾日侵有加無損不任扶輿
進路以塞元責望慕閭闔徘徊闕庭謹拜章陳惟乞蒙哀省仰思
踈放無令骸骨填於衢路自黃初至於青龍徵命相常八月賜牛酒
詔書問青州刺史程喜寧為守節高平審老疾疴頓邪喜上言寧有
疾人官貢為州吏與寧北隣臣常使經營消息貢親寧常着皂冒
布襦袴布裙隨時單復出入閭廷鉢自任杖不須扶持四時祠祭輒
自力強改加衣服着拿巾故在遼東所有白巾單衣親薦饌饋跪拜
成禮寧少而喪母不識形像常時加觴泣然流涕又居宅離水七十
步夏時詣水中澡洗手足闕于園圃臣按寧前後辭讓之意獨自
以生長潛逸嗜艾智兼是以栖遲每執謙退此寧志行所欲必全不為
守高正始二年中書侍郎王基薦寧於是安車蒲輪束帛加璧聘
焉會寧卒

胡昭字孔明潁川人養志不仕始避地冀州亦辭袁紹之命遁還鄉
里太祖為司空丞相頻加禮辟昭往應命既至自陳一介野生無軍
國之用懇辭求去太祖曰人各有志出處異趣勉卒雅尚義不相屈
昭乃轉居陸渾山中躬耕樂道以經籍自娛閭里敬而愛之徙定宜
陽函州刺史杜恕嘗過昭所居草廬之中言事論理辭義謙敬恕
甚重焉太尉蔣濟辟不就

張璜字子明鉅鹿人少遊大李李兼內外後歸鄉里表紹前後辟命
不應移居上黨并州牧高幹表除樂平令不就徙遁常山門後且數
百人遷居任縣太祖為丞相不詣太和中詔求隱李之士能消災復

異者都累上躡發遣老病不行廣平太守盧毓到官三日綱紀曰承
前致版謁躡毓歎曰張先生所謂上不事天子下不交諸侯者也豈
此版謁所可光飾哉但遣主簿奉書致羊酒之禮

徐奕字季才東莞人避難江東孫策札命之奕改姓名微服還本郡
太祖為司空辟為掾後拜諫議大夫卒

王暢字叔茂少以清實為稱無所交黨初奉孝廉辭病不就

張楷字公超司隸奉茂才除長陵令不至官隱居引農山中孝者隨
之所居成市後華陰山南遂有公超市五府連辟奉賢良方正不
就漢安元年順帝特下詔告河南尹曰故長陵令張楷行慕原憲
操擬夷齊輕貴樂賤窳跡幽藪高志確然獨拔群俗前比徵命盤桓未至
主者翫於常禮優賢不足使其難進即時以禮發遣楷復告疾不到

建和三年下詔安車備禮聘之辭以篤疾不行

楊厚字仲栢廣漢人潛身藪澤耦耕自給司徒楊震表薦其高
操公車下徵不就

蜀秦宓綿竹人少有才李州即辟命輒稱疾不往劉璋時宓同郡王
商為治中從事與宓書曰貧賤困苦亦何時可以終身下和銜玉以
耀世宜一未與州尊相見宓答書曰昔堯優許由非不引也洗其
兩耳楚聘莊周非不廣也執竿不顧易曰確乎其不可拔矣何術之有
且以國君之賢子為良輔不以是時建蕭張之策未足為智也僕得
曝背乎隴畝之中誦顏氏之箴瓢詠原憲之蓬戶時翱翔於林澤與
沮溺之奇俦聽玄猿之悲吟察鶴鳴於九臯安身為樂無憂為福
處空虛之名居不靈之龜知我者希則我貴矣斯乃僕得志之秋也何

困苦之戚焉及丞相亮領益州迎為別駕累迁至大司農卒

楊慮字威芳儀之兄也少有德行為江南冠州郡禮召諸公辟請皆

不能屈年十七鄉人宗貴號曰德行楊君

周舒字叔布少李術於廣漢揚厚名亞董扶任安數被徵不詣

吳張紘字子綱少游李京都还本郡奉茂才公府辟皆不就

吳書吳將軍何進大尉宋

鷹司空荀爽三荷辟為

避難江東孫策創業表為正議校尉後權以

掾皆稱疾不就

為長史
晉郭象字子玄少有才望州郡辟召不就常閑居以文論自娛後辟

司徒掾轉至黃門侍郎東海王越引為太傅主簿卒

李喜字季和上黨銅鞮人父隄漢太鴻臚喜少有高行博學研精與

北海管寧以賢良徵不行累辟三府不就及景帝輔政禽喜為大將軍

從事後累迁至尚書僕射拜持進光祿大夫以年老去位徐苗郡察

孝廉州郡從治中別駕奉異行公府五辟博士再徵並不就武惠時

以疾居臺帝輒訪其安不終于家

汜毓濟北盧人世儒素或薦之武帝召補南陽止文李秘書郎太傅

三軍並不就于時清修隱逸之士刘兆徐苗等皆務教授推毓不畜

門人清淨自守有好古慕德者諮詢亦傾懷開以一隅示之七十一而卒

孫綽字公異博學善屬文少有高陽許詢俱有高尚之稱

會稽游訪山水十有餘年後徵為大李博士累轉至廷尉卿領著作卒

皇甫謐字士安安定朝那人沉靜寡欲始有高尚之志以著述為務

自號玄晏先生著礼樂聖真之論後得風痺疾猶手不輟卷或勸

謚修名廣文謚以為非聖人孰能兼存出處居田里之中亦可以樂堯

舜之道何必崇接世利事官鞅掌然後爲名乎作玄首論以答魏郡召
上計掾奉孝廉景元初相國辟皆不行其後鄉親勸令應命謚爲釋
勸論以通志焉其後武帝頻下詔敦逼不已謚上素自稱草莽臣曰
臣以厄弊迷於道趣因疾抽簪散髮林阜人網不閉鳥獸爲即陛下
披榛採蘭并收蒿艾是以臯陶振褐不仁者遠臣惟頑蒙備食晋粟
猶識唐人擊攘之衆宜赴京城稱壽闕外而小人無良致災連禍久
嬰篤疾軀半不仁右脚偏小拾有九載又服寒食藥違錯節度辛苦
荼毒十余七年隆冬裸袒食水當暑煩悶加以咳逆或若溫瘡或類傷
寒浮氣流腫四支酸重於今困劣救命呼翁父兄見出妻息長訣仰迫
天威扶輿就道所苦加篤不任進路委身待罪伏枕歎息臣聞詔衛不
並奏雅鄭不魚御故卻子入周禍延王叔虞丘稱賢樊姬掩口君子小

人礼不同器况臣糠粃糲之彫胡庸夫錦衣不稱其服也竊聞同舍
之士咸以畢到惟臣疾疢抱壘牀褥雖貧明惧斃命路隅設臣不疾
居遭堯舜之世僻居林泉猶當容之臣聞上有明聖之主下有輸實
之臣上有在寬之政下有委情之人惟陛下留情垂恕更旌瓌俊索
隱於傳若收釣於涓濱無令泥滓久濁清流謚辭約言至遂見聽許歲
余又奉賢良方正並不起咸寧又詔曰皇甫謚沉静履素守志好古與俗流異
趣其以爲太子中庶子謚固辭篤疾帝初雖不奪其志尋發詔徵爲
議郎又詔補著作郎司隸校尉刘毅請爲公曹並不應

刘寔字子真平原高唐人也漢濟北惠王壽之後也父廣斥立令寔
少貧苦賣牛以自給然好学手結繩口誦書博通古今清身潔已
行無瑕玷郡察孝廉州奉秀才皆不行後入洛陽調爲河南尹丞至

懷帝時為太尉

卻說字廣基博學多才瓌偉倜儻不拘細行州郡禮命並不應
王接字祖游馮收薦於江東太守刘原原即是礼命接不受原乃呼
見曰君欲慕肥遯之高和谷曰接薄祐少孤而無兄弟母老疾篤故無
心為吏及母終哀毀骨立居墓次即年

王長文字德叡廣漢郡人少以才學知名而放蕩不羈州府辟命皆不
就州辟別駕乃微服竊出奉州莫知所之後于成都市中蹲踞齧胡
餅刺史知其不屈以礼遣之閉門自守不交人事太康中蜀土荒饑
開倉振貸長文貧貸多後無以償闕文責送長文到州刺史徐幹捨之
不謝而去後成都王穎川引為江原令梁王彤為丞相以為從事中郎卒
刘兆字延世濟南東平人博學洽聞武帝時五辟公府五徵博士皆不

就安貧樂道潛心著述不出門庭數十年後以壽終

杜夷博覽百家算歷圖緯靡不畢究寓居汝穎之間十載足不出門年
四十餘始還鄉里閉門教授生徒千人惠帝時三察孝廉州命別駕
永駕初公車拜徵博士大傳東海王越並辟不就

范喬字伯孫父繁字武威繁陽狂不言喬與二弟並棄孝業絕人事待疾
家庭至繁沒足不出邑里司隸校尉刘毅嘗抗論於朝廷曰使范武威
疾若不篤是謂伯夷叔齊復存于今如其信篤益是聖主所宜哀矜
其子久侍父疾名德著茂不加叙用深為朝廷惜遺賢之譏也元康
中詔求廉讓冲退履道寒素者不計資以參選叙尚書郎王琨乃
薦喬曰喬稟德真粹立操高潔儒孝精深含章内奧安貧樂道栖
遲窮巷簞瓢詠臬而弥堅誠當今之寒素者屬俗之清彥時張華

領司徒天下所奉凡十七人於喬特發優論又吏郎郝隆亦思求海內
道之士喬供養衡門至于白首於是除梁安令辭疾不拜喬凡一奉孝
廉八薦公府再奉清白異行又奉寒素一無所就

伍朝字世明武陵漢壽人少有雅操閑居樂道不修世事性好李以
博士徵不就刺史刘引薦朝為零陵太守主者以非選例不聽尚書
郎胡濟奏曰臣以為當今資喪亂之餘運承百王之遺弊進趨者秉
國政以僥倖守道者懷蘊匱以終身故今敦褒之化虧退讓之風薄惟
朝游必物外不屑時務守靜衡門志道日新年過耳順而所尚無虧
誠江南之奇才丘園之逸老也不加飾進何以勸善且白衣為郎前
漢有舊宜聽光顯以獎風尚事可而朝不就終于家

虞喜少立操行博学好古諸葛恢臨即屈為功曹察孝廉州奉秀才
司徒辟皆不就元帝初鎮江左上疏薦喜懷帝即位公車徵拜博士
不就喜故人賀循為司空先達貴顯每詣喜信宿忘歸自去不能測
也太寧中與臨海任旭俱以博士徵不就復下詔曰夫興化致治莫
尚乎崇道教明退素也喪亂以來儒道陵夷每覽子矜之詩未嘗不
慨然增歎臨海任旭會稽虞喜並嚶靜其操歲寒不移研精墳典居
今行古志操足以勵俗博季足以明道前雖不至其更以博士徵之
喜辭疾不赴咸和末詔公卿奉賢良方正直言之士太常華常奉喜
為賢良會國有軍事不行咸康中內史何充上疏曰臣聞二人奉而
四門穆十亂用而天下安徵猷克闡有自來矣方今聖德欽明思恢
遐烈族輿整駕俟賢而動伏見前賢良虞喜天挺貞素高尚邈世遠
脩立德皓首不倦加以傍綜廣深博聞強識鑽堅研微有弗及之勤

處靜味道無風塵之志高枕柴門怡然自足宜使蒲輪紆衡以旌殊操一則翼贊大化二則敦勵薄俗疏奏詔曰尋陽翟湯會稽虞喜並守道清貞不營世務耽孝高尚操擬古人往雖徵命而不降屈豈素絲難染而搜引禮簡乎政道須賢宜納謂諸廊廟其並以散騎常侍徵之又不起年七十六卒

任旭字次龍元帝初鎮江東聞其名召為參軍手書與旭欲使必到旭固辭以疾帝進位鎮東大將軍復召之及為左丞相辟為祭酒並不就卒于家

新刊監本冊府元龜卷之七百七十八

新刊監本冊府元龜卷之七百七十九

總錄部

高尚第二

晉韓績字吳齊廣陵人其先避亂居于吳之喜吳又建仕吳至大鴻臚績少好文季以潛退為操布衣蔬食不交當世由是東土並崇敬焉司徒王導聞其名辟以為掾不就咸康末召拜博士老病不起

張茂字咸遜虛靖好孝不以世利嬰心建吳初南陽王保辟從事中郎又存為散騎侍郎中壘將軍皆不就二年徵為侍中以父老固辭

翟湯字道深潯陽人為行仁讓不屑世事司徒王導辟不就成帝徵為國子博士不起康帝復以散騎常侍徵湯固辭老疾不至年七十二卒于家

王舒字處明丞相導之後弟也父會侍御史少為從兄敦所知以天下多故不營時名常處私門潛心孝植年四十餘州礼禽大傳辟皆不就及元帝鎮建康因委質焉參嶺東軍事後授撫軍將軍會稽內史以軍功封彭澤侯卒

祖逖字士雅范陽人偏居陽平年二十四陽平郡察孝廉司隸再辟奉秀才皆不行嘗為司州主簿後終于鎮西將軍

蔡謨弱冠察孝廉辟從事奉秀才東海王越召為掾皆不就時明帝為東平中即將引為參軍後卒於左光祿大夫

卞壺弱冠有名嘗司兗二州辟固辭皆不就遇家禍還鄉里永嘉中除著作即後為尚書令右將軍後加領將軍給事中

陸玩字士瑤器量渾雅弱冠有美名賀循每稱其清允平當即擢

綱紀東海王越辟為掾皆不就及元帝初鎮江左辟為祭酒後至侍中司空亮

伏滔字玄度有才孝少知名州奉秀才辟別駕皆不就大司馬桓溫引為參軍後累迁至游擊將軍卒

劉喬東萊掖人漢齊悼惠王肥之后也美姿容善自任遇交結時豪名著海岱間士咸慕之奉賢良辟司空掾並不就幽州刺史王浚表為渤海太守後至平南將軍都督江州卒

孔沉字德度少有美名何充薦沉於王導曰文思通敏宜登宰門辟丞相司徒掾瑯琊王文季並不就

孫晷司空何充為揚州檄晷為主簿司徒蔡謨辟為掾屬並不就尚書張國明州士之望表薦晷公車特徵會卒時年三十八朝野嗟痛之

葛洪字稚川太安中石水作亂吳吳太守顧祕爲義軍都督與周玘等起兵討之祕檄洪爲將兵都尉攻水別率破之迂伏波將軍水干洪不論功賞徑至洛陽欲投求異書以廣其孝洪見天下已亂欲避地南土乃參廣州刺史嵇含軍事及含遇害遂停南土多年征鎮檄命一無所就後還鄉里禮辟皆不赴于宝深相親友薦洪才堪國史選爲散騎常侍領大著作洪固辭不就

孫惠口納好孝有才識州辟不就寓居蒲沛之間永寧初赴齊王討趙王論功封晉吳縣侯後累遷廣武將軍安豐內史

成公簡字公舒東郡人家世三千石性清素不求榮利潛心味道周有干其志後官至太子中庶子散騎常侍

何准字幼道穆章皇后父也高尚寡欲弱冠知名州府交辟並不就兄充爲驃騎將軍勸其令仕准曰弟五之名何減驃騎准兄弟中第五故有此言充居宰輔之重權傾一時而准散帶衡門不及人事徵拜散騎侍郎不起卒劉鯈字長真高密人而郁字引文城陽人並有高名鯈幼不慕俗長而希古篤孝勵行化流邦邑郁魏徵士原之曾孫少有原風勅身謹潔口不妄說耳不妄聽端拱恂恂舉動有禮咸康中成帝博求異行之士鯈郁並被公卿荐奉于是依韓績及翟湯等例以博士徵之郁辭以疾鯈隨使者到京師自陳年老不拜各以壽終

江淳有高節蘇峻之亂避地東陽山大尉却鑿檄爲兖州治中又辟大尉掾康帝爲司徒亦辟爲征西將軍庾亮請爲儒林參軍征拜博士著作即皆不就邑里宗其道有事必諮而後行

行東陽太守阮裕長山令王濛皆一時名士並與淳游處深相欽重養志二十

餘年永和九年卒

江道陳晉園人避蘇峻之亂屏居臨海絕棄人事剪茅結宇耽翫載籍有終焉之志本州辟為從事佐著作郎並不就征北將軍蔡謨命為參將軍後乃位至太常卒

庾袞為孝好問事親以孝聞鄉黨薦之州郡文舍察孝廉奉秀才清白異行皆不就奉世遂號之為異行元康末潁川太守召為功曹袞服造後之衣杖鍾荷斧不俟駕而行曰請受下吏之役太守飾車而迎袞送巡辭退請徒行入郡將舍者遂逼扶升車納於功曹舍既而袞自取已車而寢處焉形雖恭而神有不可動之色太守知其不屈乃歎曰非常士也吾何以降之厚為之禮而遣焉

王談父為竇度所殺談後以鍾斬度太守孔巖宥之後太守孔欽究其義行元興三年奉談為孝廉時稱其得人談不應召終于家

孟廼少孤簡文帝輔政舍參為參軍稱疾不起桓溫親往造焉或謂溫曰孟廼高行李為儒宗宜引在府以和鼎味溫嘆曰會稽王尚不能屈非敢擬議也廼聞之曰桓公正當以我不往故耳億兆之人無官者十居其九豈皆高士哉我疾病不堪恭相王之命非敢為高也由是名稱益重以壽終于家索襲字偉祖燉煌人虛靖好孝不應州郡之命奉孝廉賢良方正皆以疾辭年七十九而卒

龔玄之字道玄武陵漢壽人父登歷長沙相散騎常侍玄之好孝潛默安於酒巷州奉秀才公府辟不就孝武下詔徵為散騎常侍領國子博士郡縣敦逼苦辭疾篤不行卒于家

戴逵字道安譙人居會稽剡縣孝武帝時以散騎常侍國子博士

累徵辭之疾不就郡縣敦逼不已乃逃于吳國內史王均有別館在武丘山達潛詣之與珣游處積旬會嵇內史謝玄慮達遠遁不反乃上疏曰伏見譙國戴逵希心俗表不嬰世務棲遲衡門與琴書為友雖策命屢加幽操不回超然絕跡自求其志且年垂耳順常抱羸疾時或失適轉至委篤今王命未回將離風霜之患陛下既已受而器之亦宜使其聲名並存請絕其召命疏奏帝許之逵復還刻終于家

桓石秀幼有令名風韻秀徹博涉群書尤善老莊常獨處一室簡於應接時人方之庾純甚為簡文帝所重尋代叔父冲為寧遠將軍江州刺史南蠻護軍西陽太守以疾去職卒

殷浩字深源三府辟皆不就征西將軍庾亮引為記室參軍累迁司徒左長史安西庾翼復請為司馬除侍中安西軍司並稱疾不起遂

屏居墓所居將十年余時擬之管葛王濛謝尚猶伺其出處以卜江右吳亡因相與省之知浩有確然之志既互相謂曰深源不起當如蒼生何庾翼貽浩書曰當今江東社稷安危委何諸諸君外托庾桓教族恐不得百一無憂亦思朝夕而弊足下少標令名十餘年間位經內外而欲潛居利貞斯理難全且夫濟一時之務何必德均古人韻齊先達郭王夷吾先朝風流士也然吾薄其立名非真而始終若敢若以道非虞夏自當超然獨往而不能謀始大合聲譽極致名位正當抑揚名教以靜亂源而乃高談莊老說空終日雖云談道寔長華競及其末年人望犹存思安惧亂寄命推務而甫自申述徇好小名既身因胡虜言非所行明德君子遇會處際寧可然乎而世皆然之益知名實之未定弊風之未革也浩固如不起後簡文帝時在藩始綜萬机

徵浩爲建武將軍揚州刺史上疏陳讓自三月至七月乃受後爲中軍將軍假節都督揚豫徐兗青五州軍事坐事廢爲庶人卒

郭荷畧陽人明寃群籍持善史書不應州郡之命張祚遣使者以安車束帛徵爲博士祭酒使者迫而致之及至署太子聞荷上疏乞還命祚許之遣以安車蒲輪送還張掖東山卒謚曰克德先生

索純敦煌人太守陰澹命爲西閣祭酒純辭曰少無山林之操游幸京師交結時貴希申鄙藝會中國不靖欲養志終年老亦至矣不求聞達又少不習勤老無吏幹濠汜之年弗敢聞命澹以束帛禮之月致羊酒卒于家

辛謚字叔重少有志尚恬靜不妄交游召拜太子舍人諸王文季累徵不起劉勰特加中大夫固辭不受石季龍之世不應辟命終于家楊軻天水人少好易劉曜僭號拜徵太常固辭不赴石季龍備玄纁束帛安車徵之以疾辭

鄧潔長沙人也少以高潔著名與南陽劉麟之南郡劉尚公同志友善並不應州郡辟命荆州刺史卑辭厚禮請爲別駕潔佳其好賢乃起後以病乞骸骨

孫略字文度吳人終日屢空恬然自足辟命皆不就尚書張固表薦公車特徵會卒

范宣少尚隱遁博綜衆書徵辟並不應卒于家

阮裕字思曠成帝時徵侍中不就還剡山後赴成帝止陵事異便還諸人相與追之裕亦審時流必當逐已而疾去至方山不相及劉剡歎曰我人東正當泊安石渚下耳不敢復近思曠傍裕在東山久之

復徵散騎常侍領國子祭酒俄而復以為金紫光祿大夫經年敦逼並無所就

何琦母服闋乃慨然嘆曰所以出身仕者非謂有尺寸之能以效智力實利徵祿以展供養一旦訖然無復怙恃豈可復以朽鈍之質塵躡清朝哉於是養志衡門不交人事司空陸阮太尉桓溫並辟命皆不就詔徵博士又不起簡文帝時為撫軍欽其名行召為參軍固辭以疾公車再徵通直散騎侍郎散騎常侍不行由是君子仰德莫能屈也桓溫常登琦縣界山喟然嘆曰此山南有人焉何公真止足也琦善養性老而不衰布褐蔬食終身

後蜀范長生巖居冗處求道養志李雄款迎立為君而臣之長生固辭

宋王引之字方平琅琊臨沂人少孤貧為外祖徵士何准所撫育從叔猷之重之晉安帝隆安中為司徒主簿家貧而性好山水以病乞歸衛尉鎮之之安成郡引之同行家在會稽上虞從兄敬引為吏部尚書奏徵之為庶子不就太祖即位敬引為左僕射又陳引之高行表於初業苦節彰於暮年今內外晏然當修太平之化宜招空谷以放冲退之美又徵為通直散騎常侍不就

沈道處吳興武康人也少仁愛老好易居縣北石山下孫思亂後飢荒縣令庾蕭之迎出縣南廢頭里為立宅臨溪有山水之玩時復還石山精廬與諸孤兄子共益庾之資困不改節受琴於戴逵王敬引深貴重之郡州府凡十二命皆不就文帝聞之遣使存問賜錢叁百萬米二百斛委洪孤兄子嫁娶徵員外散騎侍郎不就

宗炳才孝行桓玄殷仲文辟皆不就及高祖平荊州辟為主簿不起
問其故荅曰栖丘隱谷三十余年高祖喜其對妙善琴書精於言理
每遊山林往輒忘歸征西長史王敬引每從之未嘗不弥日也乃不
入廬山就釋惠遠考尋文義兄藏為南平太守逼與俱還乃於江陵
三湖立宅閑居無事高祖召為大尉參軍不就二兄早卒孤累甚多
家貧無以相贍頗營稼穡高祖數致餼賚宋受禪徵為太子舍人元
嘉初又徵庶子並不應好山水愛遠遊西涉荆巫南登衡岳因而結
字衡山歆懷高尚之志有疾还江陵嘆曰老疾俱至名山恐難徧遊
惟當澄懷觀道卧以遊之凡所遊履皆圖之於室

陶潛字淵明或云字元亮尋陽柴桑人曾祖侃晉大司馬少有高趣
自彭澤令弃官而歸嘗著五柳先生傳云先生不知何許人不詳姓

字宅邊有五柳因以為號焉閑靜少言不慕榮利好讀書不求甚解
每有會意欣然忘食性嗜酒而家貧不能常得親旧知其如此或置
酒招之造飲輒進期在必醉既醉而退曾不却情去畱環堵蕭然不
蔽風雨短褐穿結簞瓢屢空晏如也常著文章自娛頗示已志忘得
失以此自終時人謂之實錄義熙未徵著作即不就

龔祈字孟道武陵漢壽人也父黎民及祈並不應徵辟祁風姿端
雅容止可觀中書郎范逖見而嘆曰此荆楚仙人也祁時或賦詩
言不及世事卒

郭希林武昌人也曾祖翻晉世高尚不仕希林少守家業徵召一無
所就卒子蒙亦隱居不仕

宋或之字叔粲少文從父弟也早孤事兄恭謹家貧好孝雖文義不

逮少子而真澹過之徵辟一無所就元嘉初大史陸子真觀採風借
三詣或之每辞疾不見告人曰我而衣草菜之人少長隴畝何宜枉
軒冕之客子真還表薦之又不就徵卒于家

宋景徵太子庶子不就高名

王曇首太保引少弟也幼有素尚除著作郎不就

南齊劉善明少而靜處讀書刺史杜驥聞名候之辟不相見後刺史
劉道隆辟為從事位至淮南宣城太守

庾易字幼簡新野人徙居江陵太祖建元初刺史豫章王辟為驃騎
參軍不就世祖永明二年詔徵太子舍人不就以文義自樂安西長
史袁彖欽其風通書致遺易以連理机竹翹書格報之明帝建武二
年詔復徵為司徒主簿不就卒

蔡會字休明陳留人清抗不與俗人交李樞謂江教曰古人稱安貧
清白温而不緇至如蔡休明者不可謂之清白乎

宗尚之字敬文好山澤宋末武陵王贊府辟豫章王辟為別駕並不
就世祖永明中與劉虬同徵為通直郎和帝中興初又徵為諮議
並不就壽終

陶季直好學澹于營利徵召不起時人號為聘君

王延之少而靜默不交人事州辟主簿不就舉秀才北郎中法曹行
參軍轉署外兵尚書外兵部司空主簿並不就

沈儼之字士恭吳郡人徐州刺史辟主簿並徵太子洗馬中書
郎不赴

封延伯字仲璉渤海人也有學行不與世人交事寡嫂甚謹州辟主

簿舉秀才不就

吳苞字文蓋濮陽人也善三禮及老蒞鬱林王隆昌元年詔曰
處士僕陽吳苞拙志窮谷秉操貞固沉情味古自弭勵徵
大孝士壽終

辛晉明字文達少就閔康之受業豫章王疑為揚州徵為議曹從事
不就

徐伯珍字文楚東陽太末人也少孤貧好莊老明道術太守琅邪王
曇生吳郡張淹並加禮辟伯珍應召便退如此者凡十二焉卒
于家

梁沉顛吳興人讀書不為章句著述不尚浮華獨處一室人
罕見其面顛從叔勃貴顛當世每還吳吳賓客填門顛
不至其門勃就見顛送迎不越於閭勃歎息曰吾乃今知貴不如
賤俄徵為南郡王左侍不就永明二年徵著作郎建武二年
徵太子舍人永和二年徵通直郎俱不就

庾詵性託夷簡特愛林泉十畝之宅山地居蔬食弊衣不治產
業高祖少與詵善雅推重之及起義署為平西府記室參
軍詵不屈平生少所遊狎河東柳惲歆與之交詵拒而不納後湘
東王臨荊州辟為鎮西府記室參軍不就並通中詔徵中書侍
郎勒州縣敦遣又稱疾不就

諸葛瓌世居京口幼事閔康之齊建武初開徐州行事江祀薦
瓌於明帝曰瓌安貧守道悅禮敦詩未嘗投刺 邦宰曳裾
府寺知其簡退可以揚法厲俗請為議曹帝許之瓌辭不

德里曰義

劉獻之博陵人門徒數百皆通經士本郡舉孝廉之非其好也逼遣之乃應命至京稱疾而還孝文幸中山詔徵典內校書獻之喟然嘆曰吾不如狂周散木遠矣一之為甚其可再乎固以疾辭

張感字崇仁有器業不應州縣之命

樊遜為右僕射崔暹賓客人有訛其靖默不能趣時者常服東方朔之言陸沉世俗避世金馬何必深山蒿蘆之下遂借陸沉公子為主人擬客難製答客每以自廣後崔暹大會賓客大司馬襄城王元旭時亦在坐論歆命府僚暹相遜曰此人學富才高佳行參軍也旭目之曰豈能就耶遜曰家蔭弟不敢當此

張僧皓歷涉群書工於談說有當世名孝明熙平初徵為諫議大夫正光五

年以國子博士徵之孝昌二年徵而散騎何即並不赴世號為徵君

馬

陸夸趙高邑人高尚不仕寄情丘壑河郡李順願與之交拒而不許少與崔浩為莫逆之交浩為司空徵為郎中辭疾不赴州郡逼遣不得已入京都與浩相見經留數日惟飲酒談說平生不及世利浩每欲論屈之竟不能發言其敬憚如此浩後遂投詔書於夸懷亦不開口夸曰桃簡卿已為司徒何足以此勞國士也吾便於此將別桃簡浩小名也浩慮夸即還時乘一騾更無兼騎浩乃以夸騎內之廐中冀相維繫夸遂託鄉人翰祖者謬為御車乃得出關浩知而歎曰陸夸獨行士本不應以小職辱之又使其人杖策復路吾當何辭以謝也時胡去甚峻夸既私還行有司歸之咎浩乃相左右始得無坐經

年送李本驃無遺以所乘馬為書謝之夸更不受其驃馬亦不復書
及浩誅為之素服受鄉人吊唁經一時乃止歎曰崔公既死誰能更
容陸夸遂作朋友篇辭羨為時人称婦父鉅鹿魏攀當時名達之士
未嘗拘子婿之礼情同朋好或人謂夸曰吾聞有大才者必居責任
子何獨在桑榆乎遂著知命論以釋之
高和仁少清簡有文才常有高尚之志後為洛州錄事參軍不赴服
餌於汲郡白鹿山未幾卒時人悼惜之

北齊祖茂頗有詞情然好酒性率不為時重太寧中以經學為本鄉
所薦除給事以辭疾仍不復仕從父元班受任寄故令呼茂茂不獲
已暫來就之班與官茂乃逃去

盧懷仁涉李有辭性情恬靖常蕭然得閑放之致歷太尉記空引農
郡守之任卜居陳留界

後周韋曼字敬遠志尚夷簡澹於榮利弱冠被召拜雍州中從事非
其好也遂謝疾去前後十見徵辟皆不應命號道曰逍遙公

隋張文詡河東人博覽文籍高祖引致天下名儒碩李之士延之於
博士位時文詡游大學其門生多詣之詡請質疑滯文詡輒博引證
據辯說無窮惟其所擇治書侍御史皇甫誕一時朝彦常執弟子之
礼適至南臺遇餼所乘馬就學邀屈文詡每牽馬步進意在不因人
以自致也右僕射蘇威聞名而召之與語大悅勸令從官文詡意不
在仕固辭焉仁壽末李廢文詡策杖而歸灌園為業州郡頻奉皆不
應命每閑居從容長歎曰老冉冉而將志恐脩名之不立以如意繫
几皆有處所時人效之閔子騫原憲焉終於家年四十鄉人為立碑

頌號曰子先生

李士謙字子約趙郡人博覽經籍兼善天文術數齊吏部尚書卒術
召署員外郎趙郡王濬舉德行皆稱疾不就和仕間亦重其名將諷
朝廷擢為國子祭酒士謙知而固辭得免隋有天下畢志不仕
武儉雅好墳籍養素丘園州縣屢徵不就

崔廓字士玄博陵安平人博覽書籍多所通涉山東學者皆宗之既
還鄉里不應辟命

唐衛大經者篤孝善易口無一言則天降詔徵之辭疾不起

李元愷者博學然性恭慎口未嘗言鄉人朱璟年少時師事之及璟
作相使人遺元愷束帛將薦奉之皆拒而不答

白履忠陳留浚儀人也博涉文史嘗隱居丁古大梁城時人號為梁

丘子景雲中徵拜校書郎尋弃官而歸開元十年刑部尚書王志愔
薦履忠隱居讀書身苦操守有古人之風堪代褚無童馬懷素入閣
侍讀十七年國子祭酒楊瑒又表薦履忠堪為李官乃徵赴京師及
至辭以老病不任職

王績降州龍門人也少與李璠呂才為莫逆之交大業中應孝悌廉
潔奉授楊州六合縣丞非其好好弃官還鄉里績河壻中先有田十
數頃鄰渚有隱士仲長子先服食養性績重其真素願與相近乃
結廬何渚以琴酒自樂常遊北山因為北山賦以見志又嘗躬耕於
東臯故時人號東臯子或經過酒肆經數日往往題壁作詩多為好
事者諷詠

田佐寺洛州人也佐常偉容儀涉獵經史好大言時務德宗建中

三年，從左拾遺集賢，且李士黜陟使裴洎言上薦故拜官宰相張鎰以為徵命稍輕請加恩禮復有詔廢美賜絹百疋粟百石仍令州縣長吏就家以禮徵聘竟不起貞元元年八月以佐時為諫議大夫佐時隱於路州懷道高尚觀察使李抱真數薦之自拾遺至皆不起

楊播少隱居至德中賜號玄精先生宅應初授諫議大夫致仕

鄭珣瑜字元伯鄭則榮澤人喪父遭祿山之亂躬耕晏連奏為寧陵朱城二縣尉皆不起南節度使張獻誠奏為梁州南丞鄭亦謝不就

韋楚京此韋長之兄文宗太和八年以楚為左拾遺內供奉竟自百樂閑澹不起

晉崔綸稅之兄也有隱德好釋氏閑居滑州嘗款訪人於白馬津北及臨岸歎曰波勢洶湧如此安可濟乎乃止後徵授左拾遺辭疾不起

新刊監本冊府元龜卷之七百七十九

三

